

本草彙言

本草彙言卷之六

錢塘

倪朱謨純字甫選集 男倪沫龍沖之氏藏稿

草部

蔓草類

菟絲子。味辛甘苦。氣平無毒。入足少陰腎經。

李氏曰毛詩注菟絲即女蘿陶氏言菟絲出朝鮮川澤
而野間今近道亦有以菟句者為騰夏生苗如細絲徧
地不能自起得他草木則纏繞而上其根即漸絕于地
寄生空中無葉有花白色微紅香亦襲人結實如粟米
粒色微黃久則轉黑八九月采之雷氏曰一種天碧草
之玉形酷似只是味酸澆併枯手為別也修治去殼用
醋浸一日夜取出微火焙燥入
石臼中燒熟藏杵杵成細粉用。

○菟絲子補腎養肝溫脾助胃之藥也。水門注主男子陽道衰微

陰莖痿弱或遺精夢泄小便滑泄不治女人腰

本草彙言

卷六 菟絲子

一

脊痠疼。小腹常痛。或子宮虛冷。帶下淋瀝。或飲食減少。大便不實。是皆男婦足三陰不足之證。惟此劑力堪溫補。其効如神。但補而不峻。溫而不燥。故入腎經。虛可以補。實可以利。寒可以溫。熱可以涼。濕可以燥。燥可以潤。非若黃柏。知母。苦寒而不溫。有瀉腎經之氣。非若肉桂。益智。辛熱而不涼。有動腎經之燥。非若菟蓉。瑣陽。桂枝。而滯氣。有生腎經之濕者比也。如漢人集神農本草。稱爲續絕傷。益氣力。明目精。皆由補腎養肝。溫理脾胃之徵驗也。

繆仲淳先生曰。菟絲子。雷氏所謂稟中和。凝正陽之氣而結者也。其爲無毒明矣。五味之中。惟辛通四氣。復能

四味經曰。腎苦燥。急食辛以潤之。菟絲之屬是也。與他
辛香燥熱之辛。迥乎不同矣。

盧子由先生曰。癸亥七月。過烟霞嶺。望林樹間。有若赤
網籠羃者。有若青絲覆罩者。又有青赤相間者。以詢山
叟曰。赤網卽菟絲。青絲卽女蘿。因憶古樂府所謂南山
羃羃。菟絲花。北陵青青女蘿樹者是矣。青赤相間者。卽
蘿菟交互。唐樂府所謂菟絲故無情。隨風任顛倒。誰使
女蘿枝。而來強縈抱者是矣。但女蘿藤類。細長而無雜
蔓。菟絲蔓類。初夏吐絲。不能自舉。隨風傾倒。縈艸者。則
不經久。若傍松栢及他樹。則延蔓四布。宛如經緯。根或
絕地。嘗寄生空中。質輕揚。不損本樹之精英。夏末作花。

赤色而無葉。隨亦結實。實或着樹間。次年隨在吐絲。不下引也。雷氏謂稟中和以凝正陽之氣。得其性矣。如內經陰陽內外互交之機。惟菟絲有焉。

王靖遠先生曰。菟絲子專補肝藏風虛。活利腰膝間。

一切頑麻痿痺諸疾。

○集方治男子陽道衰微。陰莖痿弱。用菟絲子八兩。補骨

脂一兩。鹿茸。人參。於白朮。山藥。山茱萸肉。枸杞子。牛膝。

肉桂。澤瀉。各一兩。黃耆。牡丹皮。各二兩。爲末。煉蜜丸。早

服三錢。白湯送。○治遺精夢泄。小便不禁。或小便淋瀝。

用菟絲子四兩。蓮鬚。北五味子。車前子。茯苓。遠志。各二

兩。爲末。煉蜜丸。每早晚各服四錢。白湯送。○治婦人腰

脊痠疼。小腹作痛。用菟絲子四兩。川續斷。當歸。酒炒。川
芎。杜仲。牡丹皮。香附。醋炒。白芍藥。丹參。各二兩。如虛熱。
加知母。二兩。虛寒。加白朮。二兩。肉桂。附子。各八錢。童便
製。氣滯。加水香。○治婦人^{同前}子宮虛冷。帶下淋瀝。用菟絲
子。山茱萸肉。各四兩。枸杞子。三兩。赤石脂。於白朮。白薇。
各二兩。爲末。煉蜜丸。每早服三錢。湯酒任下。○治男子^{方甚}
婦人^{正宗}脾元不足。飲食減少。大便不實。用菟絲子。四兩。黃
耆。於白朮。土拌炒。人參。木香。各一兩。補骨脂。小茴香。各
八錢。錫糖作丸。早晚各服三錢。湯酒任下。○治脾腎兩
虛。精髓不固。子嗣難成。用菟絲子。三兩。北五味子。沙苑
蒺藜。覆盆子。蓮鬚。山茱萸肉。巴戟天。枸杞子。各二兩。爲

丸早晚各服三錢。○治老人血虛眼目昏花用菟絲子三兩甘菊花蜜蒙花沙苑蒺藜枸杞子穀精草懷熟地當歸身爲丸早服三錢。○治男子腰膝冷痛頭麻無力用菟絲子四兩牛膝於白朮枸杞子肉桂黃耆各三兩附子童便製七錢爲丸梧子大每早服三錢湯酒任下。○菟絲苗氣味同子生研爛塗去面斑煎湯飲小兒善發瘡疹解肺部熱。

五味子。味酸。辛甘。苦鹹。氣溫。無毒。陰中微陽。入足少陰手

太陰經。

皮甘肉酸核辛兼苦鹹。五味具備。故名曰酸過干北辛過干苦過干鹹。

陶隱居曰。五味子生齊山山谷青州益州陝西代郡及河東遼東等州山鳥麗者多肉而酸甜。最勝他處。春時莖木上長六七尺。葉尖圓似杏莖赤。三月作花。黃白色似蓮。七月成實。叢生莖端如豌豆。生青熟紫。八九月收采。曝乾則紫黑。今吳越建南等處亦有。名南五味子。曝乾色仍紅。乾枯少液。不若遼北高麗色黑肥大。且滋潤也。如人滋補藥必用北產者良。亦可取根種之。當年即旺。若二月種子。次年乃旺。不若恨力之即茂也。修治微炒。

○五味子。欽氣生津之藥也。故唐本草主收欽肺虛久嗽

耗散之氣。凡氣虛喘急。咳逆勞損。精神不足。脉勢空虛。或勞傷陽氣。肢體羸瘦。或虛氣上乘。自汗頻來。或精元耗竭。陰虛火炎。或亡陰亡陽。神散脉脫。以五味子治之。

藏用其酸。飲生津。保固元氣。而無遺泄也。然在上入肺。在下入腎。入肺有生津濟源之益。入腎有固精養髓之功。故孫真人用生脉散。以五味配人參。麥門冬。夏月調。聖元虛不足之人。意亦在其中矣。但酸澁多收。如肺中。有火鬱者。肝家有動氣者。痧瘳初發未透出者。濕痰停。飲壅滯胸中者。俱禁用之。

先賢成無己曰。肺欲收。急食酸以收之。以酸補之。芍藥。五味之酸。以收逆氣而安肺。

繆仲淳先生曰。如百骸髓會而爲精。五味子力能充之。故義皇謂補不足。強陰益男子精。

盧子由先生曰。本經言主欬逆上氣者。正肺用不足。不能自止而下。以順降入之令。勞傷羸瘦者。卽內經云。煩勞則張精絕。使人煎厥。肉燥也。此補勞傷致降下之不足。與補中益氣之治不能升出者。反能降。便是強陰。陰強便能降入。以入爲水藏事。故益男子精。精爲水藏物耳。設六淫外來。及肺氣焦滿。餌之反引邪入藏。永無出期。縱得生全。須仗夏火從中帶出。或爲斑痧。或作瘡瘍。得汗乃解。倘未深解。病憤願言珍重。

○集方治久欬肺脹衛生要方用北五味子二兩。罌粟殼五錢。俱微炒爲末。煉蜜丸。彈子大。每服一九。白沸湯化下。○治氣虛喘急。脉勢空虛。精神不足者。用北五味子八分。人參

白朮。茯苓。半夏。陳皮。各一錢。甘草五分。水煎服。○治陽虛氣逆。乘自汗頻來。四肢厥冷者。用北五味子一錢。○五分。人參三錢。肉桂。附子。童便製。炮薑。各一錢。三分。水煎服。○治精元耗竭。陰虛火動。骨蒸煩熱。口燥咽乾。用北五味子七分。知母。黃柏。沙參。白芍藥。各一錢。麥門冬。懷熟地。山藥。牡丹皮。地骨皮。黃耆。各二錢。水煎服。○治亡陰亡陽。神散脉絕。用北五味子一錢。龜膠二錢。懷熟地。人參。白朮。黃耆。附子。童便製。人參。各五錢。烏桕三箇。水煎服。○治腎虛遺精白濁。兩脇并背脊穿痛。用北五味子一兩。炒爲末。每早服二錢。醋湯調下。○治五更滑泄。經年不止者。爲日腎泄。用北五味子。吳茱

黃補骨脂酒炒。各等分。爲末。錫糖丸。梧子大。每早服四錢酒下。○治爛弦風眼。用北五味子。蔓荊子。煎湯頻洗之。○治赤遊風丹。漸漸腫大。用北五味子。焙研。熱酒調服一錢。自消退神効。

外邪亦宜少用酸能引痰辛能引咳故也。

參朮健脾丸

治臍腹冷痛泄瀉年久不止此藥溫補脾腎除寒散濕
補理中宮益腎水溫下元進飲食調中下氣大補諸虛
寒證用北五味子川椒小茴香木香白朮茯苓人參山
藥各二兩補骨脂枸杞子菟絲子蓮子肉川練子川牛
膝各四兩俱用酒拌炒蒼朮切片米泔水浸一日再換
食鹽二錢醋酒童便各一盞調和再浸一日取出晒乾
與前藥總和微炒磨爲末餽糖和爲丸每早服
五錢晚服三錢俱食前酒送下寧心定志湯治病後虛弱
不得臥或心志虛怯煩擾不寧或觸事易驚精神恍惚
用北五味一錢酸棗仁炒茯苓半夏熟地各二錢遠志
甘草當歸各一錢竹茹陳皮各入分黑棗十個生薑三
片水煎服亦可作丸服。

蓬萊味甘酸氣溫無毒

別錄曰。蓬萊生荆山平澤。及宛句。今處處有之。蘇氏曰。秦吳尤多。李氏曰。此藥凡五種。予嘗親采。以爾雅所列者較之。始得其的。諸家所說。皆未可信。一種藤蔓繁茂。莖有棘刺。逐節生葉。葉大如掌。狀類小葵。葉面青。背自厚而有毛。六七月開小白花。就蒂結實。三四十粒而成。簇生時青黃。熟則黑黯。微有黑毛。狀如桑椹。而偏冬月蔓葉不凋者。俗名刺山藤。即本草所謂蓬萊是也。一種蔓小。下蓬萊亦有鈎棘。一枝五葉。葉小。而背皆青。光澤無毛。開白花。五月結實。成子。亦小于蓬萊。不簇生而稀疎。生時青黃。熟則烏赤。冬月苗凋者。俗名神田藤。本片所謂覆盆子。爾雅所謂葢缺盆者是也。二種俱可入藥。一種蔓小。于蓬萊。一枝三葉。面青。背淡白。微有毛。三月開小白花。四月實熟。紅如櫻桃。似覆盆而色大赤。酢餹可食。不入藥用。俗名舊田藤。爾雅所謂藤者是也。一種樹生者。樹高四五尺。葉似櫻桃。葉而狹長。四月開小白花。結實如覆盆子。但色紅為異。俗亦名舊爾雅所謂山珠。陳藏器所謂鈎懸子者是也。一種就地生蔓。長數寸。開黃花。結實如覆盆。色鮮紅。下可食者。本草所謂蛇莓者是也。若以五類互為辨。析則蓬萊覆盆自定矣。諸家立論多端。皆近是而非。更有以蓬萊為根。覆盆為子。及

覆盆子為好。蓬蘽為新。與衛生為覆盆。草生為蓬蘽。併以蓬蘽覆盆為一物。而恐出處說難以為據也。盧氏曰。顧名思義。蓬蘽族類繁多。因各產藥。宜別子母兄弟以及雌雄。則覆盆亦一寒氣矣。但真氣有優劣。功用有異。同不可不細為辨折也。否則差比毫釐。失之千里。諸家臆說紛出。獨新陽立言遵古。特表而出之。雷氏曰。凡使用淨水淘去黃葉。併皮蒂取子。以酒拌蒸一宿。再煎一次。晒乾用。

○蓬蘽養五藏益精氣之藥也。本草主長陰令堅。強志倍力益顏色。長鬚髮。此藥易生而多變。全得氣化榮華之表。雖養五藏充足在肝。肝主發生。故主陰器可長可堅。神志可強。氣力可信。顏色可益。鬚髮可長。為少陽甲木之用藥也。但肝主發生。又主疎泄。倘服食過多。性味有偏。發生急而疎泄多。未免有反激之患。而肝木自戕其體矣。慎之慎之。

○集方。通治五藏陰精衰薄。用蓬蘽四兩。酒拌蒸晒乾。配人參。白朮。菟絲子。枸杞子。龜鹿膠。懷熟地。山藥。山茱萸。肉。肉蓯蓉。蓬鬚。冬青子。酒拌炒。各三兩。俱爲末。煉蜜丸。每早服四五錢。白湯送。多服自効。如虛寒人。加肉桂一兩。虛熱。加酒炒黃連五錢。見普濟方

治體肥人頭眩者。方俱出方脈正宗屬氣虛。有濕痰也。用蓬蘽。天麻。白朮。茯苓。黃耆。半夏。當歸。膽星。各二兩。川芎。陳皮。白芷。白芥子。各一兩。人參。甘草。各八錢。俱用酒拌炒。分作十劑。水煎服。○治體瘦人頭眩者。屬血虛。有火也。用蓬蘽。天麻。白朮。茯苓。黃耆。黑山梔。玄參。知母。當歸。川芎。懷熟地。枸

杞子、荊芥各一兩，人參、甘草各八錢，俱用酒拌炒，分作十劑，水煎服。○治無病人忽時眩暈卒倒者，是中氣虛而風痰風火上升也。用蓬蘽、人參、黃耆、茯苓、當歸、白芍各二錢，川芎、半夏、膽星、杏仁、去皮、防風、陳皮、生薑各一錢，甘草六分，水煎，加竹瀝半盞煎服。○治陰火動眩暈者，是斷喪之人有之。用蓬蘽、人參、白朮、當歸、黃耆各二錢，懷熟地二兩，水煎，頻頻服。○治虛極欲倒如坐舟車，是真陽不足，上氣喘急，氣短自汗而眩暈，手足冷，脉必沉細也。用蓬蘽炒、人參、大附子、重便製各三錢，肉桂二錢，甘草一錢，煎服。○治頭眩暈，目中溜火，大便閉結，能食而健，是火壅也。用蓬蘽三錢，大黃、酒煮三錢，水煎服。

覆盆子味甘辛。氣微熱。無毒。入肝腎二經。

李氏曰。子似覆盆之形。故名。寇氏曰。覆盆子處處有之。秦州永興華州尤多。四五月紅熟。山中人及時采。其味酸甘。外皮如荔枝。大如櫻桃。軟紅可愛。過時則就枝生。則食之多熟。景氏曰。按蓬萊子以八九月熟。故謂之割田。蔗覆盆子以四五月熟。故謂之柘田。蔗正與別錄五月采相合。二蔗熟時。色皆赤烏。故能補腎。其四五月熟而色紅者。乃蒔田蔗也。不入藥用。陳氏所謂以茅莓當覆盆者。蓋指此也。五月采。烈日曝乾。不爾易爛。甯氏曰。凡用。用淨水淘去黃葉。併皮蒂。取子用。好酒拌蒸半日。用淨水淘洗一次。酒乾用。

○覆盆子煖腎健陽之藥也。甄氏方主男子腎精虛竭。陽衰痿痺。服此能令堅長。女人胞寒白帶。血冷不調。食之能令有子。陳氏方榨汁塗髮。可使黑潤。寇氏方煎膏日服。可止小便餘瀝不禁。若馬氏方之療勞損風虛補肝明目。與枸杞桑椹等。皆煖腎健陽之意也。如腎熱陰虛。

血燥血少之證戒之

李蘋湖先生曰覆盆蓬藥功用大抵相近雖是二物其實一類而二種也。一早熟。一晚熟。兼用無妨。其補益與枸杞桑椹同功。若木莓蛇莓形類相似則不可混采者也。

○集方治男子腎經虛竭陽衰陰痿用覆盆子四兩枸杞子菟絲子懷熟地各三兩俱酒浸炒大附子六錢童便煮肉桂一兩甘草九錢鹿角膠二兩酒溶化爲丸彈子大每早服三錢乾嚼化白湯過下。○治女氏人胞寒白帶氏血冷不受孕用覆盆子三兩枸杞子菟絲子懷熟地各二兩俱酒浸炒香附子八兩醋炒細辛木香各八錢

膠二兩。切碎。乾麵拌炒成珠。白朮。白薇。牡丹皮。各三兩。煉蜜丸。梧子大。每早服三錢。白湯下。○治膀胱虛冷。小便頻數不禁。用覆盆子四兩。酒浸炒。木通一兩二錢。甘草五錢。共爲末。每早服三錢。白湯調送。○治血虛生風。肝腎俱虛。目昏不明。用覆盆子三兩。酒洗炒。桑椹子。枸杞子。俱曬乾炒。當歸。白芍藥。葳蕤。牡丹皮。懷生地。川芎。各二兩。俱酒洗炒。共爲末。每早晚各食後服三錢。白湯調送。○治爛弦_疾眼_症。一二十年不愈者。用覆盆葉。新鮮者。搗汁。用淨軟舊絹蘸汁塗下弦。卽時有蟲數十粒。從弦下出。數日乾。復如法塗上弦。又得蟲數十而愈。後以此法治人。多驗。蓋治眼妙品也。

○延齡固本丹治五勞七傷諸虛百損顏色衰朽形體羸瘦中年陽事不舉精神短少未至五旬鬚髮先白并左癱右瘓步履艱辛脚膝疼痛小腸疝氣婦人久無子息下元虛冷用覆盆子草前子當歸地骨皮俱用醋炒各二兩麥門冬酒煮懷熟地酒煮山藥牛膝杜仲巴戟山茱萸肉枸杞子白茯苓北五味子人參俱用鹽水炒栢子仁研去油木香焙各二兩川椒石菖蒲棗仁遠志俱用拌炒各一兩五錢肉苁蓉兔絲子赤石脂煨各二兩先將麥門冬懷熟地搗膏和入栢子仁內餘藥俱依方製炒共爲末和入煉蜜爲丸梧桐子大每早晚各食服三錢酒送下

懸鉤子、味酸、氣平、無毒。

李氏曰：懸鉤子，即木莓也。條莖生，高四五尺，其莖白色，有剌，其葉有細齒，正而深青色，無毛，背面淡青色，頗似櫻桃葉而狹長，又似地棠花，葉四月開，小白花，結實色紅，味酸，美人多食之。今人亦通呼為藤子也。孟氏大氏並以此為覆盆子，誤矣。楊士行云：南土覆盆子極多，是藤生，懸鉤子是樹生，形狀雖同，而色各異，覆盆色烏赤，懸鉤色紅赤，功用亦不同。今正之。

○懸鉤子搗汁解酒毒，并去射工沙虱毒。

○根皮味苦，氣平，無毒。陳氏曰：煮汁飲，破血，逐赤白膿痢，并治子死腹中不下。

蛇莓子味甘酸，氣大寒，有毒。

陶隱居曰。蛇莓。南北所在皆有。多生野園下。濕地就地引蔓。節節生根。每枝生葉。葉有細齒。四五月開小紅花。結實鮮紅。狀如覆盆。而面與莖則不同也。其根甚細。取汁當以莖根葉一并用也。

○蛇莓子。取汁解天行毒熱。傷寒大熱之藥也。故別錄方通婦人血熱閉阻不行。并口内生瘡腫痛。取蛇莓自然汁數合。徐徐嚥之。

倪朱謨曰。懸鉤蛇莓二種。前人誤入覆盆條內。因其形狀相似也。故錄此二種。生成出處形狀以別之。

使君子味甘酸氣寒無毒

李氏曰使君子原出海南交趾之地今閩之邵武蜀之
昌州皆有亦易生之物如山野及水岸間延蔓如葛結
樹而上葉青如五加葉四五月開花一簇一二十葩淡
紅色輕盈如海棠作實長寸先黃老則紫黑結類地
落有五稜中仁色狀如桐味如草果七月收采
久則油黑不堪用矣宋醫郭使君始用故名

○使君子療小兒五疳積聚之藥也開寶方兼主小便白

濁殺蟲止痢無非嬰科疳病諸證專司之也是不苦不
辛能滋運脾胃故疳可療濁可清蟲可滅痢可止耳此
所以爲兒科上藥也但性寒善消如脾胃虛寒之子又
不宜多用多食則發呃蓋可知矣如大人方藥中世未
嘗用也

李士材先生曰殺蟲藥皆苦惟使君子獨甘空腹食數

枚次自蟲皆死而出矣。忌飲熱茶。犯之卽瀉。有言其不宜食者。非也。按李氏綱目云。夫樹有蠹。屋有蟻。國有盜。人身有蟲。禍耶福耶。觀養生者。先去三尸蟲。可知矣。設苟無蟲積。服之必致損人。

○集方治小兒^{傷寒}痞塊腹大肌瘦面黃漸成疳疾。用使君子肉三錢。木鼈子仁五錢。共爲末。每用一錢。用雞子一箇破頂入藥在內。飯上蒸熟。空心。和雞子食之。○治一切疳疾。用使君子肉。蘆薈。蘇合。麥芽。厚朴。陳皮。各等分。每用一錢。白湯調服。○治小兒^全蛔痛。口流涎沫。用使君子肉爲末。米飲調。五更時服一錢。○治小兒^疳頭面虛腫。陰囊俱浮。用使君子肉一兩。蜜三錢。拌炒研細。每用一錢。

食後米湯調服。○治面瘡傷用使君子肉五枚香油浸一日臨睡時細嚼如法服。一月全愈。○治蟲牙疼痛用使君子肉煎湯頻漱漸愈。

肥兒丸治小兒疳積一切病此藥消疳化積磨癖殺蟲清熱補脾進食養神用史君子肉去殼蕪荑炒各五錢胡黃連牽牛子頭末各三錢人參白朮茯苓甘草麥芽紅麴山查肉各四錢共為末黃米糊為丸如芡實大每服一丸米湯化下或化下米藥每晚米湯調服六分消疳丸治小兒五疳由黃肌瘦髮豎尿白肚大青筋好食泥炭茶米之物或吐或瀉腹內積塊諸蟲作痛用史君子肉蕪荑仁陳皮廣木枳實麥芽蒼朮砂仁三棱莪朮各五錢胡黃連三錢共為細末神麴糊為丸如彈子大每服一丸米湯化下

錢氏云小兒疳疾多由飲食無節肥甘過度或因久吐久瀉久痢久寒久熱久汗久嗽久瘡之後皆能亡失津液而成疳病治法理脾為主消積次之俗云凡養小兒宜戒飲酒肉油膩偏生疳生冷硬物涼水漿不與自無疳癖病誠哉是言○又方治小兒無人顧看缺乳餓餓伶仃者不可作疳治宜大補脾胃用參苓白朮散與服

繼以飲食調理。

萬回春

治黃病愛吃生米。茶葉、梓炭、泥土、瓦屑之類，用使君子肉二兩，切碎微炒，檳榔二兩，南星三兩，俱用薑汁拌炒，共爲末，紅麴打糊爲丸，如梧桐子大。每服百餘丸，烏梅花椒湯送下。

木鼈子味苦微甘有小毒

馬氏曰。木鼈子。出朗州及南中。蘇氏又言。閩廣諸郡及全。岳。杭。越。亦有。蔓。族。一。枯。根。則。不。死。春。復。旋。生。亦。可。了。種。種。時。須。細。細。相。混。埋。土。中。及。生。則。去。其。須。方。結。白。子。作。藤。布。葉。酷。似。薯。蕷。但。葉。作。五。桮。色。稍。嫩。綠。四。月。開。黃。花。六。月。結。實。似。苦。瓜。括。樓。而。極。大。生。時。青。碧。熟。則。紅。黃。殼。有。軟。刺。每。一。實。有。子。數。十。枚。長。三。四。分。圓。扁。修。形。狀。如。鼈。卵。一。頭。尖。者。雄。種。也。八。月。采。取。中。仁。青。絲。修。治。法。油。用。○。嶺。南。人。取。嫩。苗。葉。鹽。淹。晒。乾。而。蒸。熟。可。作。食。

○木鼈子。利大腸。消疳積。化腫毒之藥也。開寶方作湯飲。主療惡瘡腫毒。乳癰便癰。又醋調敷粉刺黚黯。水調敷肛門腫痛。作散服。消疳積痞塊。乃疎結洩壅之物。如胃虛大腸不實。元真虧損者。不可槩投。如入敷貼。外科諸疾。又勿論也。

盧子由先生曰。藥有雌雄。此指枝幹已成。別花實之有無。或形色之相肖。假喻而言也。若何首烏。色分赤白。兩藤時相交解。如天上夫妻。目視執手。以爲姪事者也。惟頓遜國有木曰互婚。花似牡丹。根幹之間。實有其具。晝則分開。夜則聯合。如人間夫妻。實有姪業者也。獨木鼈子。胚胎未兆。先爲匹配。而後生。生而後有子。此又雌雄之異類者矣。傳云。未有學養子而後嫁。此更學養子而後生。

姜月峯先生曰。古方載木鼈子有毒。不可食。昔劑門有二小兒。恣食成痞。一醫教以木鼈子煮猪肉食之。一晝夜。二子俱死。方書因著此爲戒。又按李氏云。南人嘗取

其苗及嫩實食之無恙。則其毒未應至此。或者與豬肉不相得。或犯他食物而然。又不可盡咎木鼈子也。

○集方治惡瘡腫毒乳癰便癰用木鼈子仁三錢金銀花紫花地丁各四錢乳香沒藥各一錢水酒各二碗煎一

碗毒在上食後服在下食前服乳癰加瓜蒌實一箇打

碎用便癰魚口加大黃皂角刺穿山甲火煨各三錢○

治小兒疳積痞塊方。法見前使君子條內。○治肛門腫

痛并痔痛用木鼈子仁十箇研細作七丸每以一九唾

化搽痔上其痛立止一夜一九自消也○治經年癰

用木鼈子仁二箇去油研細入雞子內蒸熟食之一日

一服半月效○治水瀉不止用木鼈子仁五箇母丁香

三粒麝香五釐研末米湯調作膏貼臍內外以膏藥護住○治小兒疳疾用木鼈子仁去油使君子仁各等分搗極細米糊丸如芥菜子大每服三四分米湯送○治疳病目瞤不見物用木鼈子仁二錢胡黃連一錢研細末米糊丸如芥菜子大每服五分白湯送下○治酒疳脾黃用木鼈子仁磨醋服一二錢見利効○治脚氣腫痛行履難者用木鼈子仁切碎拌麴炒去油氣爲度厚肉桂減半共爲末用熱酒服二錢令醉得微汗愈

用香油七兩將木鼈子仁柳枝各五十段乳香沒藥各五錢下好黃丹二兩熬將成膏用竹箬不住手攪滴水肉成珠再入乳香沒藥以狗皮膠膏貼臍上

番木鱉味苦氣寒有毒

劉氏曰番木鱉生回回國今西土耶州諸處亦有之蔓生夏葉黃花七八月結實如栝樓生青熟赤亦如木鱉其核小干木鱉而色白彼人言治一百二十種病每證各有湯引或云以豆腐制過用之良與狗食即死○盧氏曰蔓草曰木以用言也實核曰鱉以形舉也

○番木鱉解咽喉結熱肝痺脹痛消腹中痞熱癥塊攻疼並以此含之噀汁或磨湯噀噀亦可此藥有寒毒而劣如元虛氣不足之證禁用

○集方治癰腫風腫用番木鱉一箇以水磨汁和膽礬末三分以雞毛蘸汁掃患處○治癰瘡入日用番木鱉一箇研細末輕粉銀硃各五分冰片麝香枯礬各一分和木鱉總爲末用少許左目吹右耳右目吹左耳目二次

本草綱目卷之二十一
○治有孕不欲留用番木鱉二箇研細末用絹包以綿
繫納入陰戶內三寸一日卽下

馬兜鈴。味苦辛。氣寒。無毒。味薄。氣厚。陰中微陽。入手太陰。

經云。曰馬兜鈴。生關中。及河東河北。江沔夔州。古
褒山。馬。及城旁。與平澤叢林間。皆有之。春時蔓生。附木
而上。葉似羅摩葉。圓厚而濇。入夏開花。色青白。間有黃
紫者。結實似李而長。左癰。霜降葉脫。重繫如鈴。故名。枯
則四裂。中仁。以榆葉根。色黃赤。似漢防已。稍小而扁。其
氣如葛根。及木香。氣修治。采實。去葉蔓。置布囊中。掛屋
角。唯風乾。去革膜。取淨子。焙乾。
用其根。即青木香。八月採用。

○馬兜鈴。清肺熱。定喘嗽之藥也。究其味苦兼辛。氣寒性
速。而且輕揚。苦善下洩。辛善橫散。寒善去熱。輕揚而速。
頗能開達。故開寶方。主肺熱痰嗽不清。甚致喘脹而氣
促。若屢獲奇功。此藥寒平和緩。不滑不燥。不烈不泄。厥
狀類肺。故能入肺。除熱氣。降熱除痰。嗽喘促。自是平矣。

又言能消血痔瘻瘡無非氣鬱血熱所致況痔病屬大腸大腸與肺通表裏此藥能清藏熱則府熱亦清矣故亦主之如肺虛寒作咳嗽或寒痰作喘促者勿服

李蘋湖先生曰錢氏方補肺阿膠散用之非補肺也乃取其清熱降氣也邪去則肺安矣方中所用阿膠糯米以補肺之藥正以此二味調和馬兜鈴降洩之過嘗觀崔氏方用以吐蟲其不能補肺又可推矣

盧子由先生曰形似馬兜鈴高懸于樹而四裂肺金之象也氣味苦寒對待肺熱葉焦爲歎爲喘爲痰結或移熱于府爲痔爲瘻或發于廣顙爲癰癰爲喉瘡或失于遊溢爲癰爲淋爲水腫或橫乘火位爲噦爲呃爲心

胃痛莫不以熱為本。以肺為標。宜虛其實。毋虛其虛。

○集方治肺氣喘急肺氣喘急方用馬兜鈴一兩。去殼及膜。甘草五錢。

俱微炒。磨為末。每服一錢。白湯調服。○治久嗽不愈久嗽方用

馬兜鈴五錢。夔仁霜二錢。北五味一錢。俱炒。共為末。每

服一錢。早晚食後白湯調送。○治血痔諸瘻瘡血痔諸瘻瘡方用馬兜

鈴一兩。甘草五錢。懷生地於白朮各二兩。作五劑。水煎

服。○治痔瘻腫痛治痔瘻腫痛方以馬兜鈴燒烟。于瓶中熏病處良。○

治水腫腹大治水腫腹大方或喘急者。用馬兜鈴三錢。煎湯。日服之。○

治癰癤久不消。用馬兜鈴三錢。當歸生地各二錢。牡丹

皮一錢。日飲一劑。漸消。○治喉咽生瘡治喉咽生瘡方非關綿花毒者。

用馬兜鈴二錢。桔梗甘草各一錢。水煎服。○治肺氣熱治肺氣熱方

閉下爲癰閉。或爲淋瀝。用馬兜鈴二錢。懷生地三錢。生甘草一錢。茯苓。木通。燈心草各一錢五分。水煎服。○治一切心胃作痛。不拘男女大小。用馬兜鈴一箇。燈上燒存性爲末。白湯調服。立効。○解蛇蠱毒。飲食中得之。喉中如有物。嚥不下。吐不出。心中熱悶。用馬兜鈴一兩。煎水服。卽吐出。

○馬兜鈴根。名青木香。又各獨行根。味苦。氣寒。有毒。不可多服。吐利不止。

治鬼疰積聚。諸蠱毒。水煮二兩。吐之。又搗末。水調敷疔腫及蛇毒。日三四次。立効。

○集方。治五種蠱毒。嶺南土人。多下食中毒。人漸不能食。

胸背漸脹寒熱酷似瘴瘧用獨行根十兩水一斗酒二升煮三升分三服毒從小便出十日戒食一切毒物不
瘥更服。○治中草蠱毒此術在西浪之西及嶺南人用
此毒入咽欲死者用馬兜鈴苗一兩為末溫水調服一
錢蠱即消化立効。○治惡蛇所傷用青木香半兩煎湯
飲之。○治腸風漏血用馬兜鈴藤穀精草荆三稜川烏
頭炒過三味各等分煎水先重後洗之。

預知子。味苦。氣寒。無毒。

蘇氏曰。出淮南及漢黔諸州。作蔓生。依大木上。葉綠色。有三角。而深背淺。秋月結實。作房。生青熟紅。每房有子五七枚。如皂莢子。斑褐色。光潤。狀如飛蛾。今蜀人極貴之。亦難得。九月采其根。冬月采之。陰乾。治蠱。其功勝于子也。山民稱為聖無憂。李氏曰。諸書相傳。取十二枚。綴衣領上。遇有蠱毒。則聞噴噴。有蠱。當預知之。故名。

○預知子。殺蟲。解蠱毒之藥也。此藥感陰清之氣以生。味苦。氣寒。凡蠱毒。多辛熱。蟲物所造。故宜陰清苦涼。以泄其熱毒。熱毒既解。則蠱不靈矣。凡蠱物。皆甘溫濕熱之味所生。得苦寒之味。則伏。故殺蟲之藥。多苦多寒也。此草中之有靈性者。故有預知之名。犬氏方。治一切風毒。化瘰癧。消宿食。又治天行瘟疫。一切熱病。每早吞二十七粒。卽瘥。總關積熱為祟者。應手奏功。倘屬脾虛中氣寒。

冷者勿用。

○集方治厲風有蟲眉落聲變用預知子搗膏二兩和雄黃末二兩再搗勻米糊丸梧子大每空心服一錢溫酒下數服後有蟲隨大便秘出。

○預知子根味苦氣冷無毒搗細末每用三錢白湯服解蟲毒立已。

牽牛子。味苦甘。微欬。氣熱。有小毒。

李氏曰。牽牛子。處處有之。有黑白二種。俗名黑丑。白丑。是也。黑者多野生。白者多種蒔。二月生苗。引蔓纏繞樹木。離落間。高二三丈。黑者蔓有白毛。斷之出白汁。葉有三稜。如楓樹葉。花不作瓣。色微紅。帶碧。如旋覆花狀。日出則開。日落則闔。實有蒂。裏生青粘白。核與棠梨子核酷肖。但色深黑耳。白者蔓無毛。有柔刺。微紅色。斷之出濃汁。葉圓無稜。有斜尖。如薯蕷何首烏葉。花較黑者稍小。色淺碧。蒂紅。日出日落。開闔亦同。實蒂長寸許。生青粘白。核大色白耳。其實嫩時。蜜煎爲果。呼爲天施。因其蒂如茄也。多食損人脾胃。泄人元氣也。修治。曬乾。淘去枯滓者。再晒乾。微火焙燥。春去皮用。

○牽牛子。逐積_{利殺}追蟲_{利殺}行水消脹之藥也。其味_{利殺}辛_{利殺}欬_{利殺}。久嚼_{利殺}猛

烈。性惟行逐。李東垣治水氣在肺。喘滿腫脹。下焦鬱遏。腰背脹重。及大腸風秘。氣秘。卓有殊功。又甄氏方。消痞癖。瀉蠱毒。破腸癰。下宿膿。并一切氣滯痰飲諸疾。下咽

卽效。若病在血分。及脾胃虛弱。而致痞疾者。則不可取。快一時。有損元氣也。

李東垣先生曰。牽牛。非神農藥也。辛熱有毒。性又迅速。其所主治。雖能逐積。追蟲。行水。消脹。若積也。蟲也。脹也。皆從水濕所成。夫水者。有形之邪也。如肺受水邪。則清氣不得施化。致大小便不通。而成脹者。則宜暫用。蓋此藥感南方熱火之化所生。火能平金。而泄肺中停水。水去。則氣得周流。所謂五臟有邪。更相平也。今人不問有水無水。但見傷食損脾。或中虛內熱之證。俱用牽牛。勉伐之藥。豈不誤哉。況牽牛。止能泄氣中之濕熱。不能除血中之濕熱。如濕從下受之。下焦主血。血中之濕。宜溫。

平之藥漸漸除之。反以辛烈猛厲如牽牛者泄之傷人元氣其危殆必矣。况水濕脹滿之證多由飲食失節勞役所傷以致中氣不和脾胃二藏失其納受運化之令。心火乘之府藏之氣閉塞于內。經絡之氣壅滯于外。當此之際藥宜溫平不寒不燥不熱不滯宜資生運脾等藥。攻補兩備者日漸服之。屏去鹹甜油膩厚味戒酒絕慾緩心保攝靜是見功。若急用牽牛大辛熱氣味俱陽之藥以泄水泄元氣利其小便竭其津液是謂重虛。輕病轉重重病必危。故張文懿公云牽牛不可服脫人元氣。見有傷酒食病痞者多服牽牛丸散取快一時藥過仍病。隨服隨効。効後復病以致久服脫絕元氣猶不知。

悔也。昔張仲景治七種濕熱，小便不利，諸證無一藥用牽牛者。仲景豈不知牽牛能泄水濕，利小便乎？正謂濕病之根在下焦，是血分中氣病，不可用辛辣之藥。泄上焦太陰之氣，是血病瀉氣，使氣血俱損也。經云：毋實實，毋虛虛。此之謂也。用者戒之。

繆仲淳先生曰：脹滿一證，多是脾胃與肺家濕熱之病。理應屬虛，何資瀉藥？况脹滿諸證，應用藥物，尋檢本草所載良藥，不乏何至舍其萬全而就不可必、不可保之毒物哉？近東垣老人諱復其辭，以戒後人之勿輕用也。茲并附錄以詔後世云。

李蘋湖先生曰：牽牛自宋以後，北人常用，取快及劉守

眞張子。和出。又倡爲通用下藥。東垣老人目擊其非。故著此說。極力闢之。然東漢時。此藥未入本草。故仲景公不知。假使知之。必有用法。不應捐棄。况仲景未用之藥。亦多矣。執此而論。蓋矯枉過中者也。牽牛治水。氣在肺。喘滿腫脹。下焦鬱遏。腰背脹重。及大腸風秘。氣秘。卓有殊功。但病在血分。及脾胃虛弱。而痞滿者。則不可取快。一時及常服。暗傷元氣也。一宗室夫人。年幾六十。平生苦腸結病。旬日一行。甚于生產。服養血潤腸藥。則泥膈不快。服硝黃通利藥。如若罔知。如此二十餘年矣。予診其人。體肥厚。日事膏粱。而多憂鬱。日吐酸痰。盤許乃寬。又多火病。此乃三焦之氣壅滯。有升無降。津液皆化爲

痰飲不能下滋腸府。非血燥比也。潤劑留滯。硝黃徒入血分。不能通氣。俱爲痰阻。故無效也。乃用牽牛末。皂莢膏丸。與服。即便通利。不覺積年腸結。一服就順。亦不茹食。且復精爽。蓋牽牛能走氣分。通三焦。氣順則痰逐。飲消。上下通快矣。外甥柳喬素多酒色。病下極脹痛。二便不通。不能坐臥。立哭呻吟者七晝夜。醫用通利藥不效。遣人叩予。予思此乃濕熱之邪在精道。壅脹隧路。病在二陰之間。故前阻小便。後阻大便。病不在大腸膀胱也。乃用棟實茴香。穿山甲。韭菜子。各一錢。入牽牛加倍水煎服。一服而減。三服而平。牽牛能達右腎命門。走精隧。人所不知。惟東垣老人知之。故東垣治下焦陽虛。天真

丹用牽牛以鹽水炒黑入佐沉香杜仲破故紙官桂諸藥深得補瀉兼施之妙方見醫學發明又東垣治脾濕太過通身浮腫喘不得臥腹如鼓海金沙散亦以牽牛爲君則東垣未嘗棄牽牛不用但貴施之得宜耳

○集方治

斗四方一切積氣

諸般痞聚或食或痰或死血等積用

牽牛子不拘黑白一觔炒香研爲細末取六兩配陳皮

四兩白豆仁三兩俱炒爲末煉蜜九梧子大每服六十

九白湯下如未動再服當下積聚之物如尋常行氣消

脹分服二十九甚妙○治一切蟲積用牽牛子二兩炒

研爲末檳榔一兩侯君子肉五十箇微炒俱爲末每服

二錢沙糖湯調下小兒減半○治諸水飲病面浮氣促

咳嗽水便不利足重。用牽牛子頭末一兩。茴香炒研三錢。和勻。每服一錢五分。生薑湯乘熱調服。當轉下氣也。中病即止。○治水氣腹脹。用牽牛子頭末。每空心服一錢。壯實者二錢。白湯乘熱調服。○治蠱毒_{千金方}脹滿。用黑牽牛子末三錢。韭菜子末二錢。白湯乘熱調服。即下蠱毒。○治大腸_{氏方}風秘氣秘不通。結滯脹滿。用牽牛子頭末一兩。桃仁去皮五錢。研為末。煉蜜九。梧子大。每服百丸。白湯送。○治腸癰_{氏方}有膿。脹閉不出。用牽牛子頭末三錢。大黃二錢。穿山甲火燂二錢。乳香沒藥各一錢。俱為末。每服三錢。白湯調服。○治一切痰飲_{正宗}氣逆。涕唾痰涎。精神不爽。胸膈迷悶。頭目昏眩。用牽牛子頭末一兩。猪牙皂莢

末五錢和勻。每早晚各食後半時服一錢。白湯乘熱調服。○治心胃同前作痛。攻刺不可忍。用牽牛子頭末三錢。玄胡索醋炒。廣木香焙。檳榔炒。各三錢共爲末。和入牽牛末內和勻。每遇此病。白湯調服二錢立止。○治濕氣背脊中滿。氣急咳嗽。小便不利。足脛微腫。用牽牛子末八錢。厚朴薑汁炒。一兩共爲丸。梧子大。每服二錢。早晚白湯送下。○治風毒脚氣腫痛者。用牽牛子爲末。五錢。每日空心服五分。生薑湯調下。○治寒結疝氣疝氣。羣丸作痛。用牽牛子三錢。小茴香百粒。川椒五十粒。俱微炒。共爲末。空心酒調服二錢。取出惡物効。○治濕熱頭痛頭熱。用牽牛子七粒。砂仁一粒。俱研細末。用井華水調稀汁。仰灌鼻中。

待涎出卽愈。○治氣滯腰痛。用牽牛子一兩。以新瓦燒赤。安牽牛子于瓦上。不得撥動。待冷。研爲極細末。配硫黃末二錢。同研勻。每日五更取末藥二錢。白湯調下。卽已。如未已。再作。極神驗。○治小兒_{重積}腫滿腹脹。大小便不利用。牽牛子研末三錢。每服五分。蘿蔔湯下。或青皮煎湯下亦可。○治小兒_{全初}馬脾風病。因急驚。肺脹喘滿。胸高氣急。脅縮鼻張。咳嗽悶亂。煩渴聲啞。或痰聲如潮。俗名馬脾風。不急治。旦夕卽死。用牽牛子炒半生半熟。大黃槿榔炒俱取末一錢。每用五分。蜜湯調下。如痰盛加真輕粉三分。

紫葳花。味酸。氣微寒。無毒。不可近鼻。聞之傷腦。氣花上露。入人目。令人昏矇。

蘇氏曰。紫葳。卽凌霄花也。多生山中。今人家園圃亦有之。李氏曰。初作蔓生。依大樹上。漸延至巔。高數丈。年久者。藤蔓大如杯。初春發枝。一枝數葉。尖長有齒。自夏至秋。一枝開花十數朵。如牽牛花。有五瓣。赭黃色。有細點。秋深更赤。八月結莢。如豆莢。長三寸許。其子輕薄。如榆莢。仁。或馬兜鈴。其根長。次後采之。陰乾。

○紫葳花。行血閉。通血絡之藥也。其色赤豔。故曰紫葳。其

蔓附木而上。高引數丈。故曰凌霄。其氣味酸寒。能行血。涼血。甄氏方。治婦人肝熱血閉。經水不行。致成寒熱。羸瘦若勞。又治產後血脈淋瀝。崩止不常。及男子血風。酒皴面上。風刺諸疾。但其性利而善攻。走而不守。破血行血。是其專職。虛人禁用。

李時珍先生曰凌霄花及根甘酸而寒。莖葉純苦爲厥陰肝經兼入少陽膽經藥也。走血分留難諸證。故本經主癥瘕寒熱血崩血閉產乳餘病。觀其鼻聞傷腦入目損睛則非善物可知。

○集方治婦人血崩由血阻留滯而成者用凌霄花爲末

每酒服二錢數服後血少止隨住服再服四物湯丸調

理○治血閉不行用凌霄花爲末每服二錢食前酒調

送○治婦人血閉不行或乾血勞漸羸瘦少食寒熱癥

瘕用凌霄花一兩乾漆五錢俱酒炒當歸身白木枸杞

子黃耆川芎各二兩俱爲末懷熟地四兩酒煮搗膏爲

丸梧子大每早服五錢酒送下○治鼻上酒皴及風熱

粉刺用凌霄花五錢硫黃一兩胡桃肉四箇膩粉一錢

研膏生絹包攢○治男婦大小通身風癢用凌霄花爲

末酒服一錢二三次愈小兒減半○治走皮趨瘡滿頰

滿頭浸淫濕爛延及兩耳癢而出水發歇不定用凌霄

花并莖葉亦可煎湯日日洗之○治嬰兒百日內無故

口青不食乳用凌霄花大藍葉芒硝酒製大黃各等分

爲末以羊骨髓爲丸如黍米大每研一九以乳送下便

可喫乳虛寒者勿服○治大風癘疾用凌霄花一兩地

龍焙殭蠶炒全蠍炒各二十一箇共爲末每服五錢溫

酒調下先以凌霄花煎湯洗過服此藥出臭汗數服漸

効○治婦人陰癰陰瘡用凌霄花爲末用鯢魚膽調搽

營實牆薜味酸溫氣微寒無毒入足陽明經

李氏曰此草蔓延柔靡依牆者而生故名牆薜其葉多刺牛喜食之其子成簇如營星然故又名營實陶隱居曰野生林壑離落間或牆壁上春抽嫩苗既長則成叢似蔓莖硬多刺小葉尖薄有細齒四五月間花四出黃心有粉紅色白色二者結子成簇生青熟紅有白毫其核似金櫻子核八月采之根采無時以白花者良莖葉可烹茶根可造酒皆香美園圃栽玩者莖粗葉大延長數丈花亦厚大有白黃紅紫數色花最大者名佛見笑小者名木香皆香艷可人不入藥用南番有薜薇露云是此花之露水香復異常

○營實涼血解毒利關節之藥也蜀本草主血熱成癰連

生疔腫惡毒武風熱暑濕之氣留滯筋脉致關節不利腫痛若痺釀酒服立時消解蓋此藥華于春而實于夏得木火之化其氣芬芳宜其有通暢血脉發越毒氣之用也其根性味欽澁別錄方主久痢赤白腸風瀉血及

小便餘瀝消渴生津金瘡潰敗生肉復肌口瘡牙疾破爛膿疰等證用此無非取飲澁收平之意云惜乎用之頗稀爲世人鮮知故也

○集方治血熱癰腫及熱疹暑毒流連不已用營實子炒

燥研碎二兩金銀花三兩晒乾浸酒飲漸愈○治關節

四肢筋骨攣痛舉動不便或着風寒暑濕四氣成痺或

患楊梅瘡毒悞服輕粉致結毒不散遍身筋骨疼痛野

牆藤根皮酒洗淨一兩五加皮木瓜常歸土奇良各五

錢每日用水五碗煎二碗徐徐服日用一劑○治赤白

痢或腸風瀉血用牆藤根皮一兩白芍藥酒炒五錢甘

草一錢水煎服○治小便失禁自遺用牆藤根皮一兩

茯苓二錢。北五味一錢。水煎服。○治三消引飲不厭。或小便日多。用牆薜根皮二兩。甘草三錢。水煎代茶飲。○治金瘡腫痛。或潰爛不收。用牆薜根皮二兩。水煎服。再取燒灰存性。研細末。搽瘡口。○治牙疳濕爛。膿水內疰。用牆薜根燒灰存性。加枯礬少許。爲末。日日搽之。○治口瘡。因心胃熱者。用牆薜根燒灰。川黃柏炒。各三錢。甘草一錢。共爲末。搽口內。○治箭刺入肉不出。用牆薜根燒灰。摻外。內服鼠粘子。生研五錢。酒調服。卽穿皮出也。○治少小睡中遺尿不自覺。用牆薜根。酒煎飲之。

月月紅。味甘。氣溫。無毒。又名月季花。

李氏曰。月月紅。南方處處人家。多栽種之。亦薔薇類也。青莖長蔓。硬刺。亦有叢生者。葉小。于薔薇。而花深紅色。千葉厚瓣。不結子。逐月開放。故名。今西北地亦有之。

○月月紅。活血消毒之藥也。談氏家寶方。治瘰癧未破。用花或枝頭五錢。羌花炒三錢。入大鯽魚腹中。封固。用線紮定。酒水各一碗。煮熟。去藥。食魚三箇。卽愈。魚須放糞水內游半日。方効。或活或死皆可用。

栝樓實。味甘微苦。氣寒無毒。氣厚味薄。陰也。入手少陰太陰經。

蘇氏曰。栝樓。出弘農。陝州。山谷者最勝。今江南江北。海。河南。山野僻地。間亦有。三月生苗。引藤蔓。葉如甜瓜。葉窄而有叉。背面俱有白毛。六月開花。似葫蘆花。而淺黃色。結實。在皮下。大如拳。生時青白如瓜。九月黃熟如柿。形有正圓者。長銳者。功用並同。內有扁子。如南瓜子。殼色褐。仁色綠。多脂。作青草氣。李氏曰。根直下生。年久者。長數尺。秋後采者。結實有粉。他時便多筋脈矣。雷氏曰。修治法。殼皮革膜及脂。取根用。大二三圍者。去皮。爛。以水澄過。潔白。如雪。名天花粉。

○栝樓仁。潤肺消痰。清火止渴之藥也。其體油潤多脂。專主心肺胸胃一切燥熱鬱熱。逆于氣分。食痰積垢滯于中脘。凡屬有形無形。在上者可降。在下者可行。其甘寒而潤寒。可以下氣降痰。潤可以通便利結。故仲景治胸

痺痛引心背。或欬唾喘急。及傷寒煩熱。結胸滿痛。大便不通。皆用此藥。取寒潤不犯胃氣。能降上焦心肺之火。而使結熱下行也。但性潤寒滑。如脾胃虛冷作瀉者。勿服。

朱丹溪老人曰。栝樓實。古方專治胸痺。以其味甘性潤。甘能養肺。潤能降氣。胸中有痰者。乃肺受火逼。失其降下之令。今得甘緩潤下之助。則痰自降。宜其前賢爲治嗽之要藥也。又能洗滌胸膈中垢膩鬱熱。如湯沃雪也。盧子由先生曰。形如包括之囊。實列重樓之象。故曰栝樓。氣味甘寒。逆治火熱。體質濡潤。逆治燥涸。或液燥涸。致熱結聚。或熱結聚。致液燥涸。遂成消渴煩滿者。悉宜

用之根實功力稍有異同。實主鬱遏不能分解。根主散漫。失于容平。靡不以熱爲因。以燥爲證。顧天花瑞雪之名。則思過半矣。

顧虛齋先生曰。栝樓實連皮帶子。搗細酒煎服。立消癰疽乳毒。謂其寒潤能解火鬱。空瓏能達經絡也。

○集方。治心肺有鬱火。或氣鬱。或食積。或痰結。壅閉中脘。爲脹爲痛。用栝樓仁去油六錢。川黃連廣陳皮白豆仁製半夏各二錢。生薑十片。小煎服。○治諸咳嗽不止。不拘寒痰熱痰風痰濕痰氣喘痰。食積痰。用栝樓仁一觔。去殼研細。絞去油。淨霜三錢。配陳膽星川貝母各一兩。和勻。每遇痰證。除虛勞血痰不治外。每用一錢。寒痰用

生薑湯調下。熱痰燈心湯下。風痰用製熟附子三分煎湯下。濕痰白朮湯下。氣閉痰牙皂湯下。食積痰枳實湯下。如氣虛不運生痰濃煎人參湯下。○治傷寒食熱結胸用栝樓仁五錢枳實二錢川黃連一錢水煎服。○治傷寒熱盛發黃用栝樓霜五錢白湯調服。○治胸中痺痛引背喘息欬唾短氣寸脈沉遲關脈緊數用大栝樓一箇連皮搗爛配生薑一兩製半夏一兩水七碗煎二碗徐徐服。○治婦人夜熱痰嗽月經不調形瘦者用栝樓仁研爛香附童便浸各二錢甘草五分每日煎服一劑。○治小兒痰喘咳嗽久不瘥兼膈熱者用栝樓仁去油取霜每日用五分配枳實一圓生薑湯調服。○治

傷酒成痰咳嗽用此救肺。用栝樓仁去油取霜。每早晚各服五分。廣陳皮湯調下。○治痰火頭痛_{聖方}用栝樓仁五錢。川芎七分。甘菊花一錢。水煎服。○治黃疸身面睛皆黃者。用栝樓仁三錢。茵陳草五錢。燈心五十枝。水煎服。○治小便不通_{聖方}因傷火酒炙_{聖方}并穢垢敗精不行。脹閉溺竅者。用栝樓霜五錢。川牛膝一兩。微炒。共爲極細末。和勻。每服三錢。白湯調送。○治燥渴_{聖方}腸秘_{聖方}冬月取栝樓熟瓠炒爲末。食前沸湯調服二錢。○治吐血_{聖方}不止。用大栝樓一箇。鹽泥裹固。煨存性。研細。糯米飲調服。日再服。○治腸風下血_{聖方}用栝樓一箇。燒灰爲末。每空心時酒服一錢。○治堅齒烏鬚方。用大栝樓一箇。開頂入青鹽二

兩杏仁三七粒將原頂合好紮定以細滋泥和鹽漬固
濟炭火煨存性去泥取括樓炭研末每日揩牙三次不
惟齒牙堅固鬚亦轉黑也○治面黑令白用括樓一箇
杏仁一兩去皮猪胰統方氏具同研如膏每夜塗之令面光
白冬月不燥○治乳汁不下用括樓仁子方氏炒研酒調服二
錢合面臥一夜乳行○治乳癰初起用熟括樓一箇連
皮帶子搗爛當歸尾三錢酒水各二碗煎一碗服渣再
煎卽消○治便毒初起用括樓一箇搗爛大黃三錢水
煎連服効

天花粉

即栝樓根

味甘微苦氣寒無毒挖深土者晒乾刮

去麁皮淨切片用

○天花粉降火清痰生津止渴解疸消癰之藥也此藥稟

天地清陰之氣以生甘寒和平退五藏鬱熱如心火盛

而舌乾口燥肺火盛而咽腫喉痺脾火盛而口舌齒腫

痰火盛而咳嗽不寧若肝火之脇脹走注腎火之骨蒸

煩熱或癰疽已潰未潰而熱毒不散或五疸身目俱黃

而小便水若淋若澀是皆火熱鬱結所致惟此劑能開鬱

結降痰火並能治之又曰天花粉其性甘寒善能治渴

從補藥而治虛渴從涼藥而治火渴從氣藥而治鬱渴

從血藥而治煩渴乃治渴之神藥也又曰乾葛其性辛

寒可治表渴。花粉其性甘寒。可治裏渴。若汗下之後亡液而作渴者。花粉不可妄投。必用人參之甘溫以生津。治渴可也。陰虛火動。津液不能上乘而作渴者。花粉不可概施。必用知母之甘潤以滋陰。治渴可也。又有五味子酸斂生津。其渴自止。麥門冬潤燥生津。其渴不生。茯苓有利水活津之妙。烏梅有濟水奪津之功。是皆生津止渴之藥也。雖然。花粉乃中和之劑。其證當用人參之甘溫而反用花粉之甘寒。必至損胃而伐陽矣。當用乾葛之辛寒而反用花粉之沉寒。必至引邪以入裏矣。二者辨明而用。斯無疑悞之弊矣。但性寒而降。如脾胃虛寒作泄者。勿服。

○集方。治心經火盛。舌乾口燥。用天花粉一兩。甘草三錢。水煎服。○治肺經火盛。咽腫喉脹。用天_正枳_宗粉一兩。桔梗。荊芥各三錢。甘草一錢。水煎服。○治脾經火盛。口齒牙齦腫痛。用天花粉五錢。白芍藥。薄荷各三錢。甘草一錢。水煎服。○治肝經火盛。脇肋脹悶。遍身走注疼痛。用天花粉五錢。牡丹皮。白芍藥。白芥子各二錢。水煎服。○治腎經火盛。骨蒸煩熱。口燥咽乾。小便淋濁。用天花粉五錢。懷生地。菟絲子。山茱萸。牡丹皮。黃柏。知母各二錢。澤瀉一錢。水煎服。○治內熱痰多咳嗽。用天花粉一兩。杏仁。桑皮。貝母各三錢。桔梗。甘草各一錢。水煎服。○治傷寒熱極煩渴。用天花粉五錢。知母。麥門冬各三錢。內有

宿食者。加枳實三錢。虛甚者。加人參三錢。甘草一錢。水煎服。○治諸病煩渴。用天花粉一兩。淡竹葉。麥門冬。知母。各三錢。甘草一錢。生薑三片。水煎服。○治男婦大小不拘壯盛老弱。一切疸疾。用天花粉一兩。茵陳五錢。水煎代茶飲。○治一切癰腫初起。用天花粉一兩。連翹。金銀花。紫花地丁。各五錢。甘草一錢。水煎服。初起可定熱。痛膿後。加白芷三錢。亦可托裏。○治偏疔痛極。服此立止。如劫用綿袋包暖陰囊。取天花粉一兩。以醇酒二碗浸之。自卯至午。微煎滾。空中露一夜。次早低橈坐定。兩手按膝。飲下。即愈。未愈再一服。○治乳癰腫硬疼痛。用天花粉一兩。酒水各一碗。煎服。漸消亦可。治乳汁不行。

○治折傷腫痛用天花粉生鮮者搗敷重布裹之熱除
痛卽止○治箭鏃元方不出用天花粉搗敷之日三易自出
○治痘後目瘡州效方用天花粉三錢蛇蛻二錢俱炒黃爲極
細末用嫩羊肝一具切開入末藥在內米泔水煮熟切
肝食

○倪朱謨曰先君在粵飲酒多日忽患泄瀉粵人丘杏山
名醫也屢用健脾燥濕之劑泄瀉愈甚更用止瀉之藥
其病照常不減偶過友人薛東軒寓中有天花粉散子
彼因吐血一醫用天花粉一味搗爛用布袋盛取漿瀝
乾晒成白粉用白湯調數錢和白蜜少許日服二次先
君過彼口渴索茶彼亦調一碗勸服勉應彼意卽覺腹

中爽快。是日晚不泄瀉。次早懇彼一包。計十兩餘。如彼
洪服之。七日泄瀉竟止。余細思此係酒熱傷藏氣。故泄
瀉也。服健脾香燥藥。故轉劇耳。宜乎甘寒天花粉之與
蜂蜜也。

治驚悸不寧

是心虛痰火內閉也。將成怔忡健忘癇迷。

風癲之證。用加味溫膽湯。用天花粉、黑山梔、仁竹茹、人
參、酸棗仁、炒茯苓、當歸、生地、川貝母、半夏、陳皮、膽星、麥
門冬、黃耆、白芍藥各一兩五錢。俱酒拌炒。甘草八錢。分
作十劑。每劑加生薑三片。黑棗五個。水煎服。○治小兒
喘嗽發熱。氣喘吐痰。有血。用天花粉、沙參各五錢。爲末。
每服五分。白湯調下。

王瓜味苦氣寒無毒

一云有小毒能發吐下其名實是土瓜王土字之誤也

蘇氏曰月令四月王瓜生卽此也其根作土腥氣其實似瓜也李氏曰土瓜生平澤田野及籬塹墻垣處處俱有四月生苗延蔓葉如括樓葉但無叉缺有毛刺一說葉圓如馬蹄而有尖面青背淡澁而不光六七月開單瓣五出小黃花成簇結子累累如彈丸皮粗澁生青熟黃赤其殼徑一寸長二寸上微圓下尖長七八月熟殼中子色赤如螳螂頭謂之赤雹子其根如大指又生淡黃細根三五相連北方出者其子累累相連大如棗形狀稍有不同若療黃疸破瘀血者大勝也

○土瓜根療黃疸破瘀血下蠱毒利大小便之藥也此藥

奇秋

稟清肅陰寒之氣苦寒通利除濕熱熱毒入血分諸病爲多故大氏方主治內疸熱結瘀血內閉蠱毒痰癰二便不通及天行熱疾酒毒石毒鼠瘻疔癰等證并取根及葉搗汁少少與服當吐下卽愈如胃虛內寒泄瀉少

食之人戒用。

○土瓜子潤肺化痰清火止血之藥也。此藥寒潤流利。故大氏方稱爲潤心肺。止吐血之暴熱涼肝脾。退黃疸之
久延。

○集方治心肺伏熱吐血衄血。用土瓜子微炒研細。空心服二錢。白湯送。○治黃疸胃熱久不退。用土瓜子微炒煎湯飲。○治大便下血。用土瓜仁一兩。生地黃二兩。俱炒黑。黃連五錢。焙共爲末。煉蜜丸。梧子大。每服百丸。米飲下。○治痰熱頭風。用土瓜七箇。括樓一箇。炒。牛旁子四兩。焙共爲末。每食後茶調下二錢。忌食動風發氣等物。○治瘀血作痛。不拘遍身腹脇等處。因血瘀者。用土

瓜仁連瓜皮切圖燒存性研末。無灰酒空心服二錢。○
治經水不通神效小腹滿或經一月再見者。用土瓜根白芍
藥桂枝桃仁各二兩。共爲末酒服方寸匕。日三次。○治
中蠱毒外臺方用土瓜根如指長三寸切碎以酒半升浸二宿
服之卽吐下蠱物。

海上方治結核或生項側在頸在臂在身腫痛多在皮
裏膜外是痰注不散火氣鬱甚則結堅硬累累如果中
核也不須潰發但熱散氣和則自消矣。用土瓜子三錢
連翹木通黃柏半夏白附子殭蠶南星金銀花白芷天
門冬各二錢。蒼耳子瓜蒌仁當歸生地黃各三錢。甘草
一錢。水一大碗煎半碗服如延生不絕加全蝎三個流

至兩腋。加牡蠣粉火煨二錢。流至下部。加牛膝、車釐各二錢。如發潰膿血者。本方去白附子、殭蠶、南星。加黃耆、白朮、茯苓各三錢。○治頸項耳後結核。三五成簇。不紅不腫。不痛。不成膿者。用土瓜子、白蒺藜、懷熟地酒煮。山茱萸肉、山藥、茯苓、澤瀉、牡丹皮各四兩。除地黃酒煮。搗膏外。餘藥俱微炒。磨爲細末。煉蜜丸。梧子大。每早晚各三錢。白湯下。

葛根味辛甘。氣平。無毒。氣味俱薄。輕而上行。浮而微降。陽中陰也。乃陽明經本藥。

李氏曰。葛根出江浙閩廣所在有之。有野生。有家種。鹿食九草此其一也。春生苗。引藤延蔓。長二三丈。取用可作絺綌。各以土地之宜。以別精粗美惡耳。葉有三尖。如楓葉而長。面青背淡。七月開花。成穗。累累相綴。紫粉。色似豌豆花。結實似小黃豆。莢上有毛。其子綠色而扁。似梅核。生嚼有腥氣。八九月采之。神農經所謂葛穀是也。根外紫內白。大如臂。長八九尺。以入土最深者良。五月中采根。曝乾用。陶隱居曰。出南康廬陵間。最勝。多肉少筋。味甚甘美。搗汁飲。可辟暑。解癰病大熱。

○葛根清風寒。淨表邪。解肌熱。止煩渴。瀉胃火之藥也。嘗觀發表散邪之藥。其品亦多。如麻黃。拔太陽營分之寒。桂枝。解太陽衛分之風。防風。紫蘇。散太陽在表之風寒。藜本。羌活。散太陽在表之寒濕。均稱發表散藥也。而葛根

之發散亦入太陽亦散風寒又不同矣非若麻桂蘇防
辛香溫燥發散而又有損中氣之悞也非若藁本羌活
發散而又有耗營血之虞也此藥枝莖蔓延統走太陽
一身經絡根長丈餘入土最深又得土陰之氣沉而且
厚故神農經謂起陰氣除消渴身大熱明屬三陽表熱
無寒之邪能散之清之之意也如傷風傷寒溫病熱病
寒邪已去標陽已熾邪熱伏于肌腠之間非表非裏又
非半表裏口燥煩渴仍頭痛發熱者必用葛根之甘寒
清肌退熱可也否則舍葛根而用辛溫如麻桂蘇防之類不惟
疎表過甚而元氣虛必致多汗亡陽矣然而葛根之性
專在解肌解肌而熱自退解肌而渴自止解肌而汗自

收而本草諸書又言能發汗者非發三陽寒邪在表之汗也又非發風濕濕溫在經之汗也實乃發三陽寒鬱不解鬱極成熱之汗也又如太陽汗出不徹陽氣怫鬱其人面色緣緣正赤躁煩不知痛之所在短氣更發汗則愈宜葛根湯治之鬱解熱除汗出而邪自退此所以本草諸書言能發汗者此也但出氏女體性陰潤對待熱涸如寒本濕本主氣及寒化標陰專令者所當避忌世人不

但目爲輕淺且以之從治嚴寒未有不致寇至者江魯崗先生曰按本草十劑云輕可去實麻黃葛根之屬蓋麻黃乃太陽經藥兼入肺經肺主皮毛葛根乃陽明經藥兼入脾經脾主肌肉二藥皆輕揚發散則一而

所入所主迥然不同也

盧不遠先生曰。外陽內陰。有三陰漸長。化炎熱爲清涼之象。

劉默齋先生曰。甘寒清潔。凡暴吐鮮血。因胃熱致血者。七劑立平。某試屢驗也。

李士材先生曰。皆在陽明一經。仲景治太陽陽明合病。桂枝湯加麻黃葛根。又有葛根芩連解肌湯。用以斷太陽入陽明之路。非卽太陽藥也。頭痛乃陽明中風。宜葛根葱白湯。若太陽初病未入陽明而頭痛者。不可便服以發之。是引邪入室也。戒之。

○集方。太陽病項背強。凡無汗惡風者。葛根湯主之用。

葛根二兩桂枝白芍生薑各一兩甘草五錢麻黃一兩
去節以水一斗先煮葛根麻黃減三升去白沫內諸藥
煮取三升去滓溫服一升覆取微汗○太陽與陽明合
病者必自下利葛根湯主之○太陽與陽明合病不下
利但嘔者葛根加半夏湯主之○前方便加半夏○太陽
病桂枝證證罷及下之利遂不止脈促者表未解也喘而
汗出者葛根黃芩黃連湯主之用葛根四兩甘草一兩
黃芩黃連各一兩五錢以水四升先煮葛根減一升內
諸藥煮取一升去滓分溫再服○治數種傷寒兼治天
行時氣發熱頭痛煩渴脈洪者用葛根二兩江西豆豉
三合生薑十片水一升煎半升服○治陽明胃熱溫病

邪熱頭疼發渴煩悶鼻乾不得眠如渴甚嘔甚用葛根黃芩升麻知母石膏竹葉治斑痧初發壯熱點粒未透用葛根升麻桔梗前胡防風各一錢甘草五分水煎服○治妊娠病時行熱疾發熱煩渴用葛根二兩煮湯飲治小兒熱疾煩渴或泄瀉者用葛根一兩煮湯頻頻服○治心胃熱極吐血或衄血不止用葛根煮湯頻飲治過食熱物因下血者用葛根二兩甘草五錢○治酒醉不醒用生葛根數兩搗汁二升飲即愈治中諸藥毒發狂煩悶吐下欲死用葛根煮湯飲○治解中蠱毒氣欲絕者用葛根研成粉取半升白湯調灌立愈治虎傷人瘡用生葛煮湯洗之

仍搗末。白湯調服五錢。日夜四五次。立止痛。

葛穀味甘。氣平。無毒。炒研末。白湯調服二錢。止熱毒下痢極驗。

葛花。氣味同穀。水煮飲。專解酒毒。酒積。并腸風下血。

（）倪朱謨曰。葛性散而解熱鬱。能發汗。能止汗。有人病發熱。頭痛身疼。無汗而渴者。汪石樵用葛根四兩。甘草二錢。防風五錢。水煎一大碗。服藥畢。大汗諸證解。有人病發熱。頭痛身疼。有汗而渴者。石樵用葛根四兩。甘草三錢。桂枝五錢。黃耆一兩。水煎一大碗。服藥畢。汗止身涼。頭痛身疼亦止。又一人病白虎歷節風痛。遍身痛。且無定處。或在肩背。或在腰肋。或在臂腕。或在手指。掌前後。

之間或在足指脛膝上下疼痛遊走不定其痛如虎咬不時昏暈晝夜大汗石樵用葛根八兩白朮三兩水煎十餘碗頻頻飲之三日疾平此三證余在南頓目睹其病姑記之時癸亥季夏月也

○倪朱謨曰西醫苟延生治時疫熱病煩躁不寐危證畢見用葛根數兩煎汁頻頻灌之漸睡而病轉安又治五色痢疾噤口不食身熱脉大勢甚危困亦如法煎飲積痢日止胃口可食而安

為病回春
活脚汗多出方用乾葛一兩白礬五錢煎湯逐日洗脚連洗數日自然無汗

天門冬。味苦甘。性滯。氣寒平。無毒。氣薄。味厚。陽中之陰。沉也。降也。入手太陰。足少陰經。氣分之藥也。

陶隱居曰。天門冬。生奉高山谷。今處處有之。草之茂爲蘇氏曰。喜高潔地上。春生。藤蔓大如釵股。高丈餘。葉如絲杉。纖細。青勁。澁而無刺。一種葉如茴香。大細青疎滑而有刺。夏生細花白色。亦有黃紫二色者。結實在根枝之旁。其色黑褐。入伏後。則無花。暗結實矣。根科生如百部。一科一二十枚。大如手指。圓實而長。根白色。亦有黃紫二色者。雖中者粗。餘大葉殊不相類。嶺南者無花。有子。餘無他異。以根作湯。可澣衣垢。越人呼爲浣艸。七八月采根。日曝乾。去心。用大丸散。以酒煮。搗爛。肥用之。今江浙人以蜜糖蒸。屢作藥。甚美。

天門冬。潤燥滋陰。降火清肺之藥也。此藥稟大寒初之

氣以生。得地之陰精獨厚。味苦微甘。沉降之質。統理肺腎。火燥爲病。如肺熱葉焦。發爲痿癰。吐血咳嗽。煩渴傳

爲腎消骨蒸熱勞諸證在所必需者也。如前人。有謂殺三蟲去伏尸者。因熱極血乾而生蟲。以成伏尸者。也有謂除偏痺。強骨髓者。因肺熱成痿。腎熱髓枯。筋槁不榮。而成偏痺者也。天門冬。陰潤寒補。使燥者潤。熱者清。則三蟲可去。伏尸可除。骨髓堅強。偏痺可利矣。然必以元虛熱勝者宜之。倘胃寒脾弱不食者。又不宜用也。

繆仲淳先生曰。若陰虛水涸。火起下焦。上炎于肺。發爲痰喘咳逆者。天門冬。誠爲要藥。然大寒而苦。不利脾胃。陰虛之人。脾土衰弱。又以苦寒陰潤之物。損其胃氣。以致泄瀉惡食。則危殆矣。何者。後天元氣。生于胃氣。五藏之氣。皆因之。以爲盛衰者也。強則喜食而甘味。弱則惡

食而不甘。味陰虛精絕之病。正賴脾胃之氣強。能納能消。以滋精氣。若脾胃先困。則是後天生氣之源絕矣。九餌雖佳。總統于食。湯液雖妙。終屬于飲。若非胃氣無損。焉能納而消之。以各歸其根。奏平定之功哉。必不得已。當以薏苡仁、白茯苓、山藥、甘草、白芍藥同用。或用麥門冬以代之可也。誤用之必泄。

盧子山先生曰。門司出入。出卽生也。冬司寒令。寒卽水也。合天一生水。故名天門冬。天者清肅爲用。水者澄湛爲體。其能澀滯。亦謂得清肅澄湛之力耳。對待榮汗不潔之氣。使形骸氣血。混濁不清。致偏痺不周。遂生三蟲。伏尸爲效。爲血爲痰。爲喘爲骨蒸。爲癆瘵。咸相宜也。設

合寒邪便當束置。蓋寒原屬水。法當逆治。非反佐順從之類。柔滯多脂。陰沉濡潤之物所宜。

李蘋湖先生曰。天門冬。清金降火。益水之上源。故能下通腎氣。故滋陰退熱有效。同麥門冬。兼行手少陰。清心降火。使肺不犯邪。故止咳消痰殊功。蓋腎主津液。燥則凝而爲痰。得潤劑則化。所謂治痰之本也。

○集方治陰虛咳嗽吐血不止。骨蒸夜熱。或成肺痿肺癰。五勞七傷。諸般虛損。用天門冬。麥門冬。各一觔。懷熟地。懷生地。鼈甲。各八兩。茯苓。川貝母。山藥。沙參。人參。各二兩。紫苑。牡丹皮。各三兩。廣橘紅一兩。用水百念碗。大鍋內煎。取汁念碗。渣再煎二次。計共取汁四十碗。入砂鍋。

內慢火緩緩煎至一十碗。加煉蜜八兩。龜膠四兩。收入貯淨磁瓶內。不拘時。用白湯調數茶匙服。○治肺熱消渴。用天門冬、麥門冬、不去心、各八兩、北五味子八錢。熬膏。加煉蜜少許。收。每早晚白湯調服五六匙。○治婦人骨蒸。用天門冬、麥門冬、各八兩、青蒿一觔、龜甲、北沙參、牛膝、白芍藥、地骨皮、生地、牡丹皮、各四兩。熬膏。煉蜜收。早晚白湯調服五六匙。○治老人大腸結燥。不用天門冬。八兩。麥門冬、當歸、麻子仁、生地黃、各四兩。熬膏。煉蜜收。每早晚白湯調服十茶匙。○治諸般癰腫。用新鮮天門冬三四兩。洗淨搗爛。以好酒濾汁頓服。未効再服。必愈。

化痰順氣開鬱清火定喘方古名清氣化痰丸今本稍
增減一二味。用天門冬湯泡去心。酒煮搗膏。杏仁湯泡
去皮。瓜蒌仁去殼。蘇子微炒。三味俱研細。各二兩。川貝
母。白茯苓。桔梗。橘紅。山查肉。連翹。黃連。薑汁炒。香附米。
童便炒。黃芩。酒炒。半夏。薑製。海石。各一兩五錢。真青黛
五錢。皂角二兩。去皮。弦子熬汁。用右爲細末。用神麴竹
瀝打糊。和入皂角汁爲丸。梧子大。每服五十九。食後白
湯下。○治一切虛損。內熱。形容枯槁。四肢羸弱。飲食不
進。腸胃乾澀。津液枯竭。久服補氣生血。煖胃和脾。用天
門冬去心。肉蓯蓉各四兩。羊肉去筋膜皮淨。三觔好酒
一壺。三味同煮。極爛。搗膏。加入人參。白朮。當歸。黃耆。各三
兩。細切。研末。和入爲丸。梧子大。每早晚服五錢。酒下。

百部味甘氣寒無毒入手太陰經

孫大目百部生江湖沿隄齊魯州郡及處處山野皆有之香生苗作藤蔓葉青肥葉大而尖長頗似竹葉面青色而光亦有細葉如荷香葉者其根色白長者近尺新鮮者亦肥實日乾則虛瘦無脂爾其根多者叢數十根連屬如部落然故名三八月采根用

○百部清痰利氣治骨蒸勞嗽之聖藥也故珠囊云主肺

熱上氣之咳嗽治虛勞內灼之骨蒸但其味苦氣下泄

藥性論主潤益肺金其性長于殺蟲傳尸骨蒸勞熱往

往有蟲故亦主之亦天門冬之類故皆治肺病小兒疳

熱有蟲及蛇蟲寸白蟲蟻蟲皆能去之味專苦泄脾虛

胃弱人宜兼養脾補胃藥同用庶不傷胃氣又燒烟熏

樹木蛀蟲觸烟即死亦殺蠅蠹日華子言之詳矣又濃

煎湯洗牛馬猫狗蠅虱卽去。又酒浸空心飲去疥癬皮。
味益癩蟲瘡。

顧虛齋婦科方云。百部色白象肺。味苦入心。修長應肝。叢聚類腎。通治四藏。溫熱成勞者。一味熬膏常服。屢効。

○集方。治男婦三十年久嗽。用百部二十觔。搗取汁煎如

飴。加煉蜜一觔。收貯。每早午晚服方寸匕。白湯過。○治

小兒咳嗽。用百部炒。麻黃去節炒。各一兩。杏仁去油淨。

五錢。共爲末。煉蜜九。如龍眼核大。每服二九。白湯下。○

治遍身黃腫。用新鮮百部八兩。洗淨土掛乾。搗爛。搗臍

上。再以糯米半升。酒煮作飯。蓋藥上。以帛包住。待二日

後。口內作酒氣。則水從小便中出。腫自消也。○治風多。

熏衣方。用百部爲末。燒烟爐內。以竹籠罩衣。熏之。虱自落。亦煮湯洗衣。

滋陰降火湯。治陰火動。發熱咳嗽。吐痰喘急。盜汗口乾。此方與六味九相兼服之。大補虛勞神効。用百部三錢。生地黃熟地黃。天門冬。麥門冬。知母。川貝母。白朮。白芍藥。茯苓。黃耆。地骨皮。各一錢五分。水煎服。骨蒸夜熱。加鼈甲三錢。盜汗不止。加炒酸棗仁二錢。倍黃耆。咳嗽痰多喘急。加沙參。人參。各二錢。痰中帶血。加真阿膠二錢。倍熟地黃。咽喉痒。或作痛。加桔梗。桑白皮。倍貝母。夢泄遺精。加山藥。芡實。各五錢。牛膝二錢。小便淋濁。加車前子。車前。各二錢。大便不結實。加炒山藥。炒扁豆。各五錢。

①治久嗽不已。咳吐痰涎。重吐津液。漸成肺痿。下午發熱。鼻塞頂強。胸脇脹滿。臥則偏左。其嗽少止。偏右嗽必連發。甚則喘急。病必危殆。速宜百部湯主之。用百部、薏苡仁、百合、麥門冬各三錢。桑白皮、白茯苓、沙參、黃耆、地骨皮各一錢五分。水煎服。

何首烏。味苦。瀉氣溫。有微毒。入通于肝。外合于風。升也。陽也。入足厥陰。足少陰經。

蘇氏曰。此藥歷古本草。向未采入。于唐高宗養生集中始用。因順州南河縣。一何姓者。偶入山。見兩藤夜交。便即采食。其人素嘗衰弱多病。羸瘦不堪。髮黃面槁。食此。髮髮轉黑。神彩精明。故有何首烏之稱。今在處有之。但海內外深山皆有。春生苗。延蔓附牆崖而生。莖紫色。如木藁狀。葉似薯蕷葉。有光澤。單生不相對。其藤夜合。晝疎。夏秋間開黃白色花。結子有稜。似蕎麥。雜小如粟粒。秋冬取根。小者似連珠。色分赤白。古云赤雄白雌也。其草甚多。但取根之大者。又不多得耳。在地五十年者。如拳大。號山奴。服之一年。髮髭青黑。百年者。如盆大。號山哥。服之一年。面顏紅悅。百五十年者。如盆大。號山伯。服之一年。齒落更生。二百年者。如一斗栲栳大。號山翁。服之一年。面如童子。行及奔馬。三百年者。如三斗栲栳大。號山精。或似鳥獸。山岳之狀。此純陽之體。服之一年。成地仙也。李氏曰。凡諸名山深谷產者。堅大而佳。采時洗去土。用竹刀刮去皮。石臼內。木杵搗碎。用黑豆減半。拌勻。酒潤三日。乘日晒乾。瓶上蒸一次。晒一次。酒潤一次。計九次。去其腥氣。入藥用。倪朱謨曰。已上諸說。具見

諸家本草有人依法修製信服有年亦未見其確驗但生子延壽之說似屬荒唐姑集此惟聽高明用舍何耳如

○何首烏固精歛氣截瘧止痢之藥也此藥味極苦澁生用氣寒性歛有毒製熟氣溫無毒前人稱為補精益血種嗣延年又不可盡信其說但觀開寶方所云治療癰消癰腫滅五痔氣血毒蟲濕五痔去頭面熱瘡蘇腿足軟風其作用非補益可知矣惟其性善收澁其精滑者可固痢泄者可止久瘧虛氣散漫者可截此亦莫非意擬之辭耳倘屬元陽不固而精遺中氣衰陷而泄痢脾元困疲而瘧發不已此三證自當以甘溫培養之劑治之又何必假此苦澁腥劣寒毒損胃之物所取効也

陳月坡先生曰。按何首烏。藥中之草類也。野生窮崖幽谷。小者如茄。大者如拳。五十年氣足可采。取時洗淨土氣。或切片。或搗碎。用黑豆和酒。拌蒸九次。取其性氣收澁。凡精血漏泄之證。有養腎秘精之功。可保無遺泄之患。雖然。又不藉此一物之力。必配大劑參耆歸地。枸杞。山茱萸。山藥。金櫻子輩。共濟成功。若沾沾以一拳如許。何首烏之力。而服至一年。烏鬚黑髮。返老還童。不亦過謾乎。再推而進之。百年如盤大。百五十年如栲栳大。二百年如斗大之說。服之卽成地仙。前人見其五十年。僅大如拳矣。或有大如盤。大如栲栳。大如斗者。卽以百年。百五十年。以至二百三百年計之。不過懸斷之辭耳。不

知此藥得深山靈氣而生所生甚廣求其大如盃又不
易耳雖然大如盃者不易此積百歲方成故也大如盃
者不易而每見有大如栲栳大如斗者又何以得耶抑
又有說也大如盃者積百歲而成大如栲栳大如斗者
可五年而完也何也積百歲者得山林地氣漸長而成
可服食者也見五年而即完如栲栳如斗大者得蟒毒
蛇毒之氣驟結而成不可服食者也又不踰年必自腐
爛悞食之必致中急疾而死施藥與受藥者當自慎重
可也或又一說何首烏初十年如彈如栗五十年如拳
百年如盃力足矣百年外不復發苗根漸腐壞如山間
偶得如栲栳大斗大者苗葉藤莖酷似何首烏實非何

首烏也。數年漸長大如斗。不及十年。隨腐爛。不可服食。
名爲岩芋。何首烏之于岩芋。如黃精之于鉤吻。石龍芮
之于天灸。青葙子之于雞冠子。等類。良毒異殊。苗葉形
實初難別也。

再按此藥僻植窮谷。日受山林醴厲之氣。最深歲愈久。
則毒愈劇。前人雖有多服延齡種子之說。實未必然。屢
有服此而後得急疾至死。而人不能識。不能醫者。皆服
此藥之毒。而不覺也。觀其氣之腥惡。味之慘烈。原非甘
溫和平之品。製非九次。勿寢其毒。非黑豆。勿殺其勢。一
近鐵器。其毒愈酷。凡食物血肉之類。忌鐵器者。惟烹蛇
則有之。要之前文所云。積受蟒蛇毒厲之氣而成。
者。或非虛語乎。知生之士。毋爲方外小人所惑也。

○集方。治療癰延蔓寒熱羸瘦。乃肝鬱火鬱。久不治。成勞
也。用何首烏如拳大者一觔。去皮如前法製。配夏枯草
四兩。當歸土貝母香附各三兩。川芎一兩。共爲末。煉蜜

丸每早晚各服三錢。

○治時行火癰。

下八方俱見陳

或癰疽流發遍身。

方十數者用何首烏生搗十兩紫花地下金銀花各三兩。

甘草一兩陳皮五錢白芷八錢分作十劑水煎服。○治

五痔攻痛用何首烏照前九製過四兩氣痔加人參白

朮烏藥血痔加當歸生地黃柏蟲痔加使君子濕痔加

蒼朮厚朴龍膽草四種每味各加三錢惟毒痔加土茯

苓八兩打碎炒燥俱浸酒每早晚隨量飲。○治頭面風

熱生瘡疹癩并黥黥諸疾用何首烏照前九製過一味

浸酒飲。○治瘡邪在陰分久不愈用何首烏一兩鼈甲

炙牛膝陳皮青皮各四錢當歸白朮各三錢虛甚加人

參三錢水煎服。○治四肢骨軟風疾用何首烏一觔照

前九製過川烏二兩。童便浸炒。草烏三錢。酒洗炒。川草
蘇。枸杞子各八兩。爲末。煉蜜作丸。早晚服三錢。或浸酒
蒸一日。每日早晚隨量飲亦可。○治大風癩疾。用何首
烏一觔。照前九製法。用胡麻八兩。去皮。斬蛇一條。俱爲
末。每服五錢。白湯調服。○治疥癬滿身。用何首烏一觔。
連皮生搗碎。每日用四兩生艾葉一兩。共煎湯洗浴。漸
退。○治中蠱毒。用生鮮何首烏。連皮搗爛。和白湯一碗。
絞汁。一氣飲。卽吐立解。

○七寶美髯丹。烏鬚髮壯筋骨。固精氣。續嗣延年。用赤白
何首烏各一觔。一箇。用黑豆二升。淘淨。共入米泔水浸
一日。將何首烏。磁瓦刮去皮。切作薄片。同黑豆拌勻。以

砂鍋乘湯水。饒鋪豆。與何首烏片蒸之。俟豆熟。取出。揀去豆。將何首烏晒乾。再用黑豆二升淘淨。同晒乾。首烏片同蒸。如此九次。豆揀出。俱不用。將首烏片石臼內搗爛。聽用。白茯苓二觔。去皮爲末。用人乳五碗。拌勻。晒乾。牛膝。菟絲子。當歸身。枸杞子。各八兩。俱酒拌炒。補骨脂四兩。以黑芝麻拌炒。並忌鉄器。俱入石臼內搗爲細末。煉蜜丸。彈子大。每早午晚各食。前乾嚼化。湯酒任送。○治小兒龜背。用何首烏生搗爲末。用酒調敷背高處。久久自平。

草薺味苦氣平。無毒。陽中之陰。降也。入足陽明少陰厥陰經。

別錄曰。草薺生真定山谷及河峽汴東荆蜀諸郡皆有之。蘇氏曰。作蔓生苗。葉似青葉有三叉。似山薯葉。又似萊豆葉。花有紅黃白數種。亦有無花結白子者。根色黃白多節。三指許大。大如商陸。莖有刺者。根白實莖無刺者。根虛軟。軟者入藥最作。李氏曰。今成德軍所產一種。葉似蕎麥。子有三稜。根似山薯而體硬。又與菰藟少異。凡收采混真。蓋菰藟根作塊赤黃。草薺根細長淺白。今市肆嘗以上茯苓切片。偽充草薺。又以草薺偽充爲狗脊。修治不拘時。

○草薺驅風濕。活血氣。蘇痺。蹙之藥也。善治足三陰經風。

寒濕熱之氣。以致腰背痛強。四肢痠痺。骨節拘攣。通身五緩五急。諸證。及脚氣腫痛。重墜難行。或腸風藏毒。血色紅黯。或白帶白濁。精滑淋漓。或週身惡瘡。延蔓不已。

凡一切風濕穢毒留滯之疾。此藥去濁分清。活利血氣。並能治之。顧草解之名。宜于身之下部。更宜于痺閉不通之疾也。若下部無濕。疾陰虛火熾。滿有餘瀝。莖中作痛。并腎虛腰痛。此真陰不足之候也。並不宜服。

王紹隆先生曰。天地解而雷雨作。雷雨作而百果草木皆甲拆。萌蘖自內解。乎從外也。草解主經脉勁強于外。指痿痺拘攣之疾。致關機失利于內。指濁帶淋瀝之疾。分理陽明濕熱。流入下焦。客于肝腎諸證。方能解而通之。

王自薇先生曰。小便頻數。莖中澀痛。其原有二。如房勞過多。精道虛竭而然者。以知柏地黃湯加麥冬。甘草治之。如強忍慾事。情鬱不發。敗精瘀腐。壅結精道而然者。

以草薢一兩煎飲立安

○集方治風寒濕熱之氣病腰背痛強足膝痺軟或腰背

痺軟足膝痛強用真川草薢一觔杜仲蒼朮枸杞子黃

栝各四兩俱酒洗炒研爲末每旦白湯調服三錢○治

通身筋脉五緩緩弛懈無力即今之痿疾也五急急拘攣不舒即今之痺疾也四

肢不能舉動用草薢一觔酒洗炒黃栝鹽水炒白朮土

拌炒薑黃童便拌炒各四兩俱研爲末每旦服四錢白

湯調服如胃強能食者加葳靈仙酒炒四兩爲末和入○治

脚氣腫痛不能動履不論寒熱虛實久病暴發皆可用

草薢五錢黃栝蒼朮牛膝木瓜猪苓澤瀉檳榔各二錢

水二大碗煎一碗每日食前服一劑○治腸風藏毒血

色或紅或黯。用川草薺貫仲各一兩。柿餅一箇。蒼木五錢。水煎。食前服。○治男子正宗白濁第四。婦人白帶久不愈。用草薺三錢。金櫻子五錢。白木蒼木各二錢。甘草一錢。如白帶。本方加當歸。川芎各二錢。如白濁。本方加淡竹葉。牛膝各二錢。水煎。食前服。○治遺精夢泄。用草薺子。金櫻子。龍骨。煨牡蠣。煨各五錢。共研末。和勻。每早服三錢。白湯送。○治通身惡瘡。用草薺四兩。紫花地丁三兩。半枝蓮。連翹。甘菊花。荆芥。生地黃各二兩。蒸酒飲。○治白濁頻數。旋出稠濁。澄下如膏。或龜頭浸漬濕爛。乃真元不足。下焦虛寒。用草薺五錢。石菖蒲。益智仁各三錢。烏藥一錢。食鹽五分。水煎服。

土茯苓味甘淡氣平無毒

李氏曰。土茯苓生楚蜀閩浙山箐及海畔山谷中。蔓生如蕒莖。有細點。葉類竹。濶大厚而且滑。又如瑞香花。葉而長。有五六寸。其根狀如菰莖而圓。小者如雞膽子。大者如拳。連綴而生。卽零者遠不及尺。皮似茯苓。色有赤白。肉似芋薯。味甘兼清。亦可生啖。入藥以色白者爲佳。又按東山經云。鼓譴山前有奇草焉。名曰榮莫。饑可充穀。其葉如柳。如竹。其根如卵。如拳。食之已風。并療筋攣惡毒內注。用斯乃安。惡卽此也。

○土茯苓去風濕利關節治拘攣骨痛解惡瘡結毒之藥

也。陳氏救荒本草言能代穀不饑健脾胃壯筋力止泄

瀉者因氣味甘平而無消伐之性也。李氏方又言能蠲

結毒解內注汞粉藥氣者因味甘兼淡淡能利竅淡能

發留結淡能泄陳垢耳故惡瘡有服水銀輕粉外雖光

潔內注筋骨久而破爛復潰致成廢疾以此熬汁屢服

數月不惟積毒漸消。且得補益之力。

薛立齋先生曰。楊梅瘡。古方不載。

正德間起于

嶺表。傳及四方。蓋嶺表風土炎熱。嵐瘴薰蒸。男女淫穢。濕熱之邪。積蓄既深。發爲毒瘡。互相傳染。然皆淫邪之

人病之。其證多屬厥陰陽明二經。而兼乎他經。邪之所

在。則先發出。蓋相火屬于厥陰。肌肉屬于陽明。如兼少

陰太陰。則發咽喉。兼太陽少陽。則發頭耳也。醫用輕粉

銀硃。刮劑。五七日。卽愈。蓋水銀性走而不守。加以鹽礬

昇爲輕粉。銀硃其性燥烈。善逐痰涎。痰涎被刮。隨火上

升。從喉頰齒縫而出。故瘡卽乾。瘡而愈。然毒氣竄入經

絡筋骨之間。莫之能出。涎乃脾之液。痰涎既去。而液衰

涸筋失所養。營衛不從。變爲筋骨攣痛。發爲癰毒疔漏。久則生蟲。爲癰。爲癩。內經所謂濕氣害人皮肉筋骨者也。土茯苓甘淡而平。爲陽明本藥。能健脾胃。去風濕。風濕旣去。則營衛從而筋脉柔。肌肉實。而拘攣癰漏愈矣。初病服之不効者。火盛而濕方鬱也。此藥長于去濕。不能去熱。病久則熱衰氣耗。而濕鬱爲多故也。李瀕湖綱目有搜風解毒湯。治楊梅瘡。病深者月餘。淺者半月卽愈。服輕粉藥。筋骨攣痛。癰瘰不能動履者。服之亦効。其方用土茯苓一兩。薏苡仁。金銀花。防風。木瓜。木通。白鮮皮。各五分。皂莢子。四分。氣虛加人參七分。血虛加當歸七分。水二大盃。煎飲。日三服。惟忌飲茶。及牛羊雞鵝魚。

肉燒酒麵房勞益秘方也

○集方治楊梅瘡因服輕粉致傷內藏氣血筋骨疼痛久而積爛成癰筋攣潰漏連年累月至于終身成廢疾者用土茯苓二兩有熱加川連連翹花粉氣虛加四君子血虛加四物湯水煎代茶月餘卽安○治瘰癧潰爛用土茯苓切片水煎服或入粥內食之須久食爲妙

治頭風神方用土茯苓一觔金銀花三兩蔓荊子一兩二錢玄參防風天麻辛荑川芎芽茶各一兩黑豆三百粒分作五帖每帖用河水二碗煎八分食後服

白欬。味苦甘。氣平。微寒。無毒。

寇氏曰。白欬服食方少用。惟欬瘡方作散藥敷。慘冬用之。故名。蘇氏曰。生衡山山谷。今江淮及荆襄懷孟商齊諸州皆有之。二月生苗。多在林中。作蔓赤節。葉小如桑。五月開花。七月結實。長如雞卵而稍長。三五同窠。皮黑肉白。八月采根洗淨切片。以竹條穿日乾用。又一種赤欬。花實功用少別。但內外俱赤也。

○白欬。欬瘡口。拔疔毒之藥也。此藥甘苦寒平。故前古主癰腫疽瘡。散結止痛。未膿可消。已膿可拔。膿盡可欬。又治女子陰中腫痛。帶下赤白。總屬營氣不和。血分有熱者。咸宜用之。敷貼服食。因病製作可也。

○集方。治發背癰毒。疔瘡初起。用白欬研細末。水調敷上。

○治面鼻酒皰。用白欬白石脂杏仁各五錢。爲末。雞子清調搽。旦洗去。○治凍耳成瘡。用白欬四分。杏仁霜一

分黃蘗末二分。共爲末。蜜和敷耳。○治湯火灼爛。用白
蘗末敷上。卽收。○治女子陰中腫痛。用白蘗爲細末。敷
肉外。○治諸瘡不斂口。以白蘗末敷之。卽收。

山豆根。味苦。氣寒。無毒。

蘇氏曰。山豆根。出劍南宜州。果州。及廣西忠州。萬州。莖蔓如大豆。葉青翠。經冬不凋。今廣南一種。如小槐。高尺許。石鼠啖其根。捕取者。收其腸胃暴乾。用以解毒。攻熱甚効。不識果然否。

○山豆根。通咽喉。下結熱。解蠱毒之藥也。此藥苦寒清肅。得降下之令。善除肺胃鬱熱。如咽喉腫痺不通。小兒丹

毒熱腫。婦人血氣腹脹。及痢疾赤白急黃疸證。又療熱

厥心痛。天行熱疹。五疳五疳。凡一切暴感熱疾。涼而解

毒。表裏上下。無不宜之。但苦寒多泄。凡脾胃虛冷者。勿

服。

○集方治喉風急證。牙關緊閉。水穀不下。用山豆根白藥

子各等分。水煎。噙之。嚥下。三三。口即愈。○治中蠱毒。用

山豆根四片和自湯研服少許。未淨再服。已禁聲音者亦愈。
③治小兒丹毒赤腫。以山豆根水磨。擦患處。○治女人血氣熱鬱。成腹脹者。用山豆根同木香。白湯磨服。○治水蠱腹大有聲。面皮色黑者。用山豆根同烏藥。白湯磨服。○治赤白痢疾。用山豆根五錢。川黃連無忌三錢。共為末。蜜丸梧子大。每服一錢。白湯下。①治五般急黃無忌。用山豆根為末。白湯調服。二錢。兼蠱氣者。以酒調下。○治熱厥心痛。以山豆根。白湯磨服少許。○治小兒五種熱疳。以山豆根為末。每服三分。白湯調服。○治血熱痔痛。用山豆根冷水磨服。

黃藥子。味極苦。氣寒。無毒。稟天地清寒之氣而生。

蘇氏曰。黃藥子。原出嶺南。今夔陝州郡及明越秦隴山中亦有之。以忠州萬州者緊重為勝。他處輕虛。不甚佳。莖生高三四尺。柔而有節。似藤非藤。根及莖葉大如掌。長二三十寸。其根長尺許。大者圍二三十寸。外褐內黃。亦有黃赤色者。一說其根濕時色紅。暴乾色黃。有人搗其根入染籃紙中。云易變色也。七月開白色花。其肉味酸。其核仁。即黃藥之實。一說黃藥冬枯春生。開碎白花。無實。

○黃藥子。降火涼血。解毒消癰之藥也。凡惡毒腫瘡喉痺

結熱等疾。并惡蛇毒犬咬傷。研末湯調服之。并塗敷患處。最効。治馬病。心肺熱疾。水煎服。特靈。大方科。服食湯液中。今鮮用此。此物苦寒。疎散。凡病血熱吐衄等證。古人曾有用之。若脾胃素弱。易於作泄者。禁用。

王起凡先生曰。黃藥子。解毒涼血。最驗。古人于外科血

證兩方嘗用。今人不復用者。因久服有脫髮之虞。知其爲涼血散血明矣。故能療牛馬心肺熱疾云。

○集方。治人忽生癰疾一二年者。以萬州黃藥子八兩。須緊重者爲上。如輕虛卽是他處出者。力慢用。須加倍。取無灰酒一斗。投藥入中。封固瓶口。以糠火煨一復時。取起待酒冷。乃開瓶。時時飲一二盃。不令絕酒氣。經三五日。把鏡照看。覺消小。卽停飲。不爾令人項細也。其驗如神。○治吐血不止。用黃藥子二兩。水煎服。○治天泡毒瘡。用黃藥子爲末。搽之。○治蠱毒。搗汁飲。卽吐出。

白藥子。味苦辛。氣寒。無毒。

蘇氏曰。白藥子。出原州。三月生苗。四月抽赤莖。葉似苦
苣。夏似壺蘆。六月開白色花。八月結子。如瓜。蔕九月葉
落。今四川夔施合州。江西嶺南亦有。一種葉似烏桕子。
如綠豆。至六月變赤色。修治九月采根。洗淨。切片。日乾。
根皮黃色者多。

○白藥子。涼血散血。解熱毒。消喉痺之藥也。唐本草。主金
瘡生肌肉。藥性論。又主喉中熱寒。噎痺不通。咽中腫痛。
日華子。又主吐血衄血不止。詳味諸書。所主皆解熱散
結之功。則其為清寒之用明矣。如脾虛作瀉。胃弱少食
者。切勿沾。

○集方。治吐血衄血不止。用白藥子一兩。紅棗肉減半。但
火燒存性。為末。糯米湯調服二錢。○治咽喉腫痛。熱塞。

不通用白藥子一兩朴硝五錢共為末每用少許吹入

喉內○治一切疳眼赤爛生翳用白藥子一兩甘草五

錢共為末猪肝一具剖開搽藥末五錢煮熟食之○治

癰腫不散用生鮮白藥根檮貼乾即易之無生鮮者研

末水和貼○治一切天行熱病并瘴瘧取白藥研如麵

二錢用滾湯一碗空腹調服便仰臥一食頃候心頭悶

亂或惡心腹內如車鳴刺痛良久當有吐利數行勿怪

欲服藥時先煮稀粥待冷若吐利過度即喫冷粥一碗

止之不爾即困人○治諸骨哽咽用白藥煎去醋細研

在上即吐出在下即瀉出

威靈仙味苦辛鹹氣溫無毒可升可降陰中陽也入太陽經。

馬氏曰威靈仙出上洛山及華山平澤今陝西河東河北汴東江湖州郡皆有生處不聞水聲者良生先衆草初起作莖莖如銀股有四稜葉如楊柳有層疊每層計有六七葉環列如車輪七月開花六出淺紫色或碧白色作他似蘭臺子亦有似菊花頭者實青色根稠密多鬚似穀歲必敗朽次年旁引生苗年久轉茂一根叢鬚數百條長二尺許九月采根濕時色黃黑乾時色深黑俗呼鐵腳威靈仙是也別有一種根鬚都酷肖根色黃或白者並不堪用。

○威靈仙主風濕痰飲之疾通行十二經之藥也治中風不語手足頑痺口眼喎斜及筋骨痛風腰膝冷疼肝脾痠痛癰風酷毒皮膚風痒腎藏風壅頭風眩暈腦漏流涕傷寒瘧氣憎寒壯熱黃疸黑疸冷熱氣脹胃痛膈氣

膀胱宿膿宿垢惡水氣利脚氣痔疾瘰癧疥癬婦人月
閉氣血衝心產後惡露不行及大人暗風癰風癲狂心
風小兒胎風臍風等證並皆治之大抵此劑宣行五藏
通利經絡其性好走亦可橫行直往追逐風濕邪氣蕩
除痰涎冷積神功特奏若多服疎人真氣凡病血虛生
風或氣虛生痰脾虛不運氣留生濕生痰生飲者咸宜
禁之倘不得已必需用者倍加參耆歸朮庶幾乎

李蘊湖先生曰威言其性猛也靈仙言其功神也去風
逐痰行氣利水朝用而夕行者也故主久疲宿冷之痼
疾神壯氣强者藉此便成大丹倘元神稍頓作此必有
終凶之咎

○集方。治中風不語。手足頑痺。口眼喎斜。用威靈仙酒浸。

九浸。九蒸。九晒。八兩。於白朮。人參。黃耆。枸杞子。天麻。膽

星。各三兩。俱焙燥。研爲末。煉蜜九。梧子大。每服五錢。白

湯送。○治筋骨痛風。或腰冷痛。肝脾痠疼。用威靈仙製

如前五兩。枸杞子。牛膝。杜仲。草薢。木瓜。虎骨。當歸。各四兩。

薑黃。二錢。川附子。五錢。童便製。羌獨活。酒炒一兩。共研

末。煉蜜九。梧子大。每早服五錢。酒下。○治癰風同前酷毒。皮

膚風癢。及腎藏風壅等疾。用威靈八兩。製法如前胡麻子。浮

萍。晒乾。皂角刺尖。白茯苓。各六兩。烏梢蛇一條。前藥俱

製炒爲末。將蛇去腸肚淨。露天煮熟。拌藥末爲丸。如黍

粒大。每早服五錢。白湯下。○治頭風眩暈。并腦漏流涕。

用威靈仙四兩

製法如前

白芷辛夷各一兩白朮枸杞子甘

菊花各二兩共為末

每早晚各食後服三錢白湯調下

○治傷寒

林氏方

瘴氣憎寒壯熱用威靈仙酒炒過紫蘇葉各

五錢葱頭五莖

水煎服○治黑疸黃疸冷熱氣脹用威

靈仙

製法如前

為末水發為丸如菴豆大每服二錢平明白

湯送微利惡物積滯漸効○治胃痛膈氣有停飲者用

唐氏方

威靈仙

製法如前

醋一鍾

蜜一鍾

水一鍾煎七分服之吐出

宿飲痰涎愈○治膀胱有宿膿宿垢惡水氣利用威靈

金方

仙一兩

製法如前

水煎服○治脚氣入腹脹悶喘急用威靈

金方

仙

製法如前

為末每服二錢酒下痛減一分則藥亦減一分

○治痔瘡腫痛用威靈仙二兩水七升煎湯先薰後洗

冷再溫之。○治癰癥結核。用威靈仙四兩。製法如前蜜陀僧

一兩。火煨過。斑毛三十箇。去頭翅。共爲末。水發爲丸。如

黍米大。每早晚食後服百丸。白湯下。○治男婦大小人

疥癬經年不愈。以威靈仙三兩。製法如前白朮二兩。浸酒五

壺。蒸一夜。每日隨時隨量飲。○治婦人經閉不行并產

後惡露停阻。用威靈仙四錢。製法如前官桂木香細辛桃仁

去皮牡丹皮玄胡索醋炒五靈脂。濾去沙石。各三錢。共

爲極細末。每服三錢。早晚用砂糖酒調送。○治痰迷心

絡。人事昏塞。語言模糊。視聽俱廢。飲食不進。大小不知。

自遺不覺。病名暗風。用威靈仙五錢。白朮三錢。當歸半

夏各二錢。猪牙皂角石菖蒲各一錢。共爲末。每服三錢。

五更生薑湯調服。如卒時昏倒。口吐涎沫。踰時卽甦。病
名癇風。如踰垣上屋。罵詈不避親疎。毀廢物件。甚至裸
體披髮。晝夜狂妄。病名狂風。一併皆治。如小兒胎風。臍
風。每用二分。或三分。用燈心湯調送。○治患楊梅瘡。服
輕粉毒藥。年久不愈者。用威靈仙三觔。製法如前好酒十壺。
封煮三炷香。取起。逐日飲之。以愈爲度。○治破傷風。用
威靈仙一兩。爲末。獨頭蒜二箇。香油三錢。同搗爛。熱酒
沖服。汗出卽愈。

茜草根味苦氣寒。無土。然稟土水之氣而兼得天令少陽之氣以生者也。

別錄曰：茜草根出焉山山谷。卽今桑絲草也。東地諸處
具有而少。不知西出者多。詩云：茹藘在阪。卽此是也。今
圃人亦作畦種時。獲利殊厚。季冬生苗。蔓延數丈。方莖
中空。外有細刺。數寸作節。每節五葉。似聚葉。頭尖下闊。
七月開花。結實如小椒。中有細子。以八月采根。銅刀切
日乾用。忌鐵器。外一種赤柳草根。形狀相似。只是味酸
滑。爲別。誤服令人患內痔。
連服廿草湯其毒卽解。

○茜草根散血行瘀兼去痺痛之藥也。蜀本草治吐血衄

血產後血暈及跌撲瘀血能散血而行血也。別錄治痿
歷脚氣及骨節風痛能疎痺而通經脉也。其色赤入營
分。味苦入心經。氣寒能涼血散血。而因血由熱結也。故
時人稱爲行血甚捷。前人又言治黃疸疸者濕與熱搏

滯于血分。惟其散血行血。則濕熱亦行。而痘病自退矣。
李氏又言。治痛風解瘡癰。亦是此意。但其氣性寒燥。風
濕成痺。得寒燥而開。濕熱成痘。得寒燥而散。瘀血吐衄。
得寒燥而止。故每用取効。若三證有屬精虛血少者。脾
虛胃弱者。陰虛火勝者。俱禁用之。

沈則旒先生曰。紅花丹參牡丹皮赤芍藥皆屬血藥。咸
以色命名也。茜草色赤。甚于四種。不曰赤草。紅草。而曰
茜草者。正見古人命名。深有取義。所云茜者。從草從西。
取西方金氣。入通于肺。止吐衄暴血。由于肺病。獨擅其
能。他如痺疽跌撲諸疾。咸治者。實取行散瘀血之功。推
廣其意云。

○集方治吐血暴出不止用茜草根二兩搗末每早晚各服二錢水煎服○治衄血暴出不止用茜草根生艾葉各一兩爲細末烏梅肉三錢搗勻煉蜜丸梧子大每服三錢白湯下水煎服亦可○治婦人五旬後復行經用茜草根生地黃各一兩側柏葉黃芩各五錢分作五帖每帖水二碗煎八分服○治跌撲瘀血用茜草根一兩紅花桃仁各五錢分作三劑服○治脚氣并骨節風痛因血熱者用茜草根一兩木瓜牛膝羌活各五錢水煎服○治黃疸用茜草根水煎代茶飲漸退○治女子經閉不通用茜草根一兩酒煎服之一日卽通○治中蠱毒吐下血如猪肝用茜草根三兩水二升煮汁飲立解

○倪朱謨曰茜草治血能行能止。余嘗用酒製則行。醋炒則止。活血氣疎經絡治血鬱血痺諸證最妙。無損血氣也。配歸芍用大能有益婦人。

防已味苦辛。氣寒。無毒。陰也。降也。泄也。急方通劑也。

蘇氏曰。防已生黔中。宜都建平。以漢中者為勝。故方書多稱漢防已也。李氏曰。其莖如葛蔓延。其莖梗香。而且嫩。苗葉酷類牽牛。折其莖。一頭吹之。氣從中貫出。其根外白內黃。中心有黃黑紋。暈如車輻解者良。若他處木強不柔。有黑點者。不堪用。外有一種根作腥氣。而皮皺。上有丁足子者。名木防已。性稍峻烈。不任用。而張仲景方。治傷寒。有增減木防已湯。孫真人治遺尿。小便便澁。亦有三物木防已湯。思此雖不及漢中。然隨病制宜。又非可棄也。又陳氏曰。漢木二防已。卽是根苗為名。不知是否。

○防已祛風利濕。分決十二經水。氣之藥也。故時方療水

腫。除腳氣。推為首劑。如前人之治溫瘧寒熱。肺閉喘嗽。

肢節痛。風勝水畜。二便不通。及癰疥蟲癬等疾。凡屬

風濕水濕。濕熱濕痰為病在下者。靡不奏効。然其性燥

而不淳。多降下。善泄。善走。長于除濕。治下焦。腰下至足之

疾如飲食勞倦。脾胃衰薄。元氣穀氣已虧。陰虛內熱。眞元不足。自汗盜汗。口苦舌乾。腎虛小水不利。脾虛作腫。肺虛喘嗽。及胎前產後。雖有下焦濕熱之證。慎毋輕用。○東垣老人曰。按本草十劑云。通可去滯。通草防已之屬。夫防已大苦寒。能瀉血中濕熱。通其滯塞。亦能行大腸。通小腸。泄陰瀉陽之藥。比之于人。則險而健者也。幸災樂禍。能首爲亂階。然善用之。亦可敵兇突險。此瞑眩之藥也。故聖人存而不廢。大抵聞其臭。則可惡。下咽。則令人身心煩亂。飲食減少。至于十二經有濕。壅塞不通。及下注脚氣。暨膀胱積熱。非此藥不可。眞行經之仙藥。無可代之者。若夫飲食勞倦。陰虛生內熱。元氣穀食已虧。

醫家已謂大瀉利而亡其血此不可用也如人大渴
而飲是熱在上氣脈逆氣逆宜滲泄而清之可已防已
乃下焦血分藥也三焦用五也外臺風寒邪傳肺經氣
分而致小兒驚風者至不通此上焦氣病禁用血藥此
三焦用三也夫三焦氣濕熱者皆不可用惟下焦氣
熱者可用也

經絡之藥也三焦用五也外臺風寒邪傳肺經氣
分而致小兒驚風者至不通此上焦氣病禁用血藥此
三焦用三也夫三焦氣濕熱者皆不可用惟下焦氣
熱者可用也

柴胡、黃芩各一錢。枳實、芍藥各二錢。大青、白朮各三錢。防己六分。
瓜蒂一分，洗去苦味。水煎服之。○治濕癰
寒熱由濕熱者，傷血分者用此方已。二錢蒼朮、柴胡半
夏、檳榔厚朴、黃柏、黃連各一錢。水煎服。○治肺氣鬱閉
喘嗽逆滿者用漢防己一錢五分，桔梗五分，枳殼紫蘇
杏仁前胡各一錢。水煎服。○治四肢風痛攣急不安用
漢防己薑黃牛膝木瓜各二錢，白朮防風威靈仙酒炒
當歸羌活各一錢。水煎服。○治膀胱蓄水蓄脹滿幾成水
腫用漢防己二錢，車前子茯苓澤瀉各三錢。水煎服。○
治目傷酒食肥甘濕麵厚味濕熱脾傷以致二便不通

用漢防已。木通。乾葛。陳皮。川黃連。澤瀉。紅麴。枳實。各二錢。水煎服。○治遍身蟲癬。癩疥。用漢防已三兩。當歸。黃耆。各二兩。金銀花。一兩。煮酒飲之。○治膈間支飲。其人胸滿。心下痞堅。面顴黑。其脉沉緊。得之十數日。醫以吐下不愈。用漢防已二兩。人參。桂枝。各二錢。石膏。一兩。分作五劑。水煎服。如大便不通。加芒硝二錢。

○續補集方治頭風暴痛用漢防已三錢酒炒水煎服○

治風濕相搏關節沉痛微腫用漢防已酒炒五錢黃耆

白朮各六錢甘草炙八分生薑五片大棗五枚水煎服

○治水厥脹用漢防已二兩生薑五錢同炒隨入水煎

服半饑時飲之。

木通味苦辛。氣微寒。無毒。味薄。降也。陽中陰也。入手少陰。

足太陽經。

蘇氏曰。木通生石城山谷及山陽。今潯潞漢中江淮湖南州郡皆有之。遶樹蔓藤大者其莖餘徑三五寸。每節二三枝。枝頭五葉。夏末開花紫色。亦有白色者。結實如小木。瓜長三四寸。類白核黑。食之甘美。枝即通草。莖有細孔。兩頭皆通。取一頭吹之。其氣直貫。色黃白者良。黑褐色者爲雨暘所侵。以致形色腐黑。用之力少不及。李氏曰。木通有紫白二色。紫者皮厚。味辛苦。白者皮薄。味淡苦。二者味雖少殊。通竅利氣功力同也。

○木通開心通腎泄金鬱利氣竅行小便之藥也。本草主

利九竅除鬱熱導小腸治淋濁定驚癇狂越爲心與小

腸要劑。所以治驚之劑。多用木通。驚由心氣鬱故也。心

鬱既通則小便自利而驚癇狂越之病亦安矣。按十劑

云。通可去滯。木通防已之屬。夫防已大苦寒。能瀉血中

濕熱之滯而通大便。木通大苦辛。能助西方秋氣。下
瀉氣中濕熱之滯而利小便也。若肺受熱邪。津液氣
之源絕。則寒水斷流。膀胱受熱。癰閉約束。其證胸中
熱。口燥咽乾。大渴引飲。小便淋瀝。或閉塞不通。脛疼
熱。並宜木通主之。又遍身隱熱。疼痛拘急。足冷。皆是
熱傷血。血屬心。宜木通以通心竅。則經絡流行矣。故上
能通心清肺。利九竅。下能泄濕熱。利小便。活通身均痛。
古方導赤散用之。實瀉南補北。扶西啟東之意。但性燥
而利。凡病陽虛氣弱。陰虛精血不足之證。內無濕熱鬱
火者。并妊娠腰膝無力。俱禁用之。

江魯陶先生曰。木通輕虛清陽之劑。古人用以通

九竅利水蓄。因形似也。陳氏方。治小腹虛滿。小便數急而疼。水腫喘急。皮膚瘡癢。并婦人血閉。月候不勻。乳結不下。皆通竅之所致也。如茯苓。澤瀉。猪苓。燈心。琥珀。瞿麥。車前子之類。皆可以去濕熱。泄滯氣。利小便。功用相似。析而論之。君火爲邪。宜用木通。相火爲邪。宜用澤瀉。茯苓利水。有活津之能。猪苓利水。有分理陰陽之妙。燈心清火。揚而肅之。瞿麥清火。行而蕩之。若琥珀。車前。車前爲開水道之前驅。琥珀止澁。而又有下注之力也。利水雖同。用各有別。

李士材先生曰。木通功用雖多。不出宣通氣血四字。

○集方。治鬱熱方不清正。或發熱口乾。或遍身走痛。小便淋澁。

不通等證。用木通、車前、黑山梔各二錢、連翹、防風、黃芩各一錢、甘草五分、滑石、知母各一錢五分、水煎服。○治五淋并赤白濁。用木通、生地、黃海金沙各二錢、甘草、茯苓、黃連、黃芩各一錢、竹葉五十片、燈心五十根、水煎服。臨服時加白菓汁十茶匙。○治心熱多驚并顛狂。喻垣上屋不定。用木通二錢、半夏、膽星、白芥子、川連、廣皮、防風、石膏、石菖蒲、茯神各一錢五分、水煎服。○治婦人血氣阻閉不通。用木通、濃煎三五盞飲之。卽通。

○木通子。味甘。氣寒。無毒。孟氏方。去三焦客熱。胃口熱閉。飲食不思。調和腸胃。以蜜水煮食之。治噤口熱痢有效。南人多食之。北人不知其功。

通脫木味甘淡氣寒無毒降也陽中陰也入手太陰足陽明經。

陳氏曰通脫木生江南山側郭璞言高丈餘蔓生莖大者圍數寸葉似芭蕉莖中空有白瓢輕白可愛女工取作薄片如紙染各彩色作像生花以為首飾酷似或作蜜餞充果食之甘美今田園亦種蒔矣。

○通脫木利陰竅治五淋通癰閉除水腫之藥也此藥色白而氣寒味淡而體輕凡陰竅澀而不利水腫閉而不行用此立通故有葱草之名也與葶通燈心草同功然淡利而泄陰陽兩虛者禁用凡用不入湯丸惟堪作散子白湯調服。

白兔藿。味苦。氣平。無毒。

蘇氏曰。白兔藿。生交州山谷。今荆襄亦有。蔓生。山南苗似蘿藦。葉圓厚。莖有白毛。與衆草異。五六月采苗。日乾用。此藥解毒。莫之與敵。而人不復用。并無聞識者。今交廣及荆楚。皆呼白兔藿。亦善解毒。但用根。不用苗也。

○白兔藿。治蛇虺蜂蠱狂狗。野菜魚肉諸蟲。并諸大毒。不可入口者。皆消除之。如毒入腹。煮汁飲。卽解。爲末。着傷處。立清。眞救世之良藥也。

蘿摩味甘微辛氣溫無毒葉子同

陳氏曰蘿摩東人呼為白環又名芫蘭又名綠包首生
鍾鉅間其莖折之有白汁如乳其形酷似文青實非文
青二物相似不能分別李氏曰蘿摩三月生苗蔓延無
垣易繁衍其莖白華其葉長而前尖後大莖與根斷之
皆有白乳六七月開小長花如鈴狀色紫白結實長二
三寸大如馬兜鈴頭尖設青軟中有白絨胎霜後結
其輕揚能飛商人取其絨胎作坐褥代綿甚輕軟詩云
芫蘭之支童子佩蘭芫蘭之葉童子佩纓者是也外一
種莖葉及花皆似蘿摩但氣臭根紫結實圓大如豆生
青熟赤為異此所以文青似蘿摩陳氏所謂二物相似
難以分別者也

○蘿摩補虛勞益精氣之藥也此藥溫平培補統治一切

勞損力役之人筋骨血脉久為用力疲痺者服此立安
陳氏方療金瘡血出不止用子搗敷即乾癰毒疔腫用
葉搗敷即退若蜘蛛咬傷并一切蛇蟲諸毒取葉與子

搗汁飲。并將渣敷傷處。隨見和平。然補血生血功過歸地。壯精培元。力堪枸杞。化毒解疔。與金銀花半枝連紫花地下。其効驗亦相等也。奈時人不知其用。惜哉。

○集方。治房勞過度。精血有虧。或奔走遠勞。筋骨疲倦。用羅摩子四兩。枸杞子并根皮。酸棗仁黃耆白朮各一兩。俱用酒洗炒。北五味子一兩。炒。麥門冬去心。懷熟地黃各三兩。酒浸蒸。搗膏。共爲丸。梧子大。每早晚各服三錢。白湯下。○治損傷血出不止。痛不可忍。用羅摩花葉子不拘皆可搗爛。和白湯絞汁飲。渣敷患處。瘡口立効。

絡石味甘酸微苦氣溫無毒入足陽明手足少陰足少陽

厥陰五經。

蘇氏曰。絡石所在有之。惟石包絡而生。故名。生太山川谷。成石山之陰。或高山巖石之間。其莖蔓延。迴遶石上。葉似橘葉。細厚圓而木強。面青背淡。滿而有光。冬夏常青。莖節着處。即生根鬚。浮煇垣壁木石。人家亦種此爲飾。五月開白花。實黑而圓。有尖。葉圓。葉二種。功用相同。蓋一物也。六七月采莖。葉日乾。楷去毛用。沈氏云。絡石者良。絡木者無用。

○絡石暖而壯筋。健通腰膝之藥也。此藥性質耐久。氣味和平。前古列爲上品。李氏方稱爲藥中之君主。筋骨關節風熱腫強。不能動履。凡筋骨痺痛。不能屈伸。或癰疽腫毒。焮赤疼痛。流結上下。身體樞絡之間。起居動止。痿廢勿用。速宜浸酒蒸飲。又喉痺腫塞。煎汁立通。刀斧傷

瘡敷之隨効。凡服此能使血脉流通。經絡調達。筋骨強利。奈舉世醫家。莫知用者。豈以因其賤而忽之歟。抑功用未盡善歟。如陰藏畏寒。易泄者。勿服。

○集方治小

能先求

便白濁。緣心腎不濟。或由酒色。遂至已甚。謂

之火淫。蓋有虛熱而腎水不足者。醫者往往峻補肝腎。其疾反甚。惟服博金散。則水火既濟。源潔而流清矣。用

絡石。茯苓。各二兩。人參五錢。龍骨煨一兩。共爲極細末。

每服二錢。食前燈心湯下。日二服。卽愈。○治筋骨攣拳。

遍身疼痛。腰膝無力。行動艱難。不利風寒濕毒。或精亡

斷喪。筋骨衰敗者。服此卽瘥。用絡石八兩。口乾再炒燥。

枸杞子。當歸。各四兩。浸酒日逐飲。○治喉痺腫痛。臨

不通須臾欲絕用絡石草一兩水一升煎一大盞徐徐
呷之少頃即通。○治癰疽腫毒^{外科精義}。焮赤疼痛用絡石莖葉
一兩水洗晒乾勿見火皂角刺八錢新瓦焙甘草節五
錢大瓜蒌一箇取仁炒乳香沒藥各三錢分作十劑每
日服一劑水煎和酒半盞服

○治一身風毒作痛。或諸瘡餘毒作痛。或濕痰流飲作痛。或濕痰流飲作痛。或濕痰流飲作痛。取一二兩。並宜酒煎飲之。○治婦人頻年小產不育。用絡石八兩。當歸身白朮各四兩。俱醋拌炒。共爲末。煉蜜丸。梧子大。每早晚各服三錢。白湯下。可全育。

木蓮蓬。味酸。氣平。無毒。

陳氏曰。木蓮蓬。薛荔也。附木而生。得木氣。故名。木蓮。俗呼見銀頭。葉綠。樹木牆壁。三。五十年。漸大。枝葉繁茂。葉長。二。三寸。厚。若石葦。生子似蓮房。打破有白汁。停久如漆。六七月實。內空而紅。則滿腹細子。大如稗子。一子一鬚。其味微酸。其殼虛輕。一年一熟。子亦入藥。但薛荔絡石。雖用類莖葉粗大如藤狀。木蓮更大。子絡瓦四時不凋。

○木蓮蓬。葉解毒消癰。散熱血之藥也。李仁甫故陳氏方。主血風

不和。腰脚無力。蘇氏方。主背癰腫痛。去腐生肌。李氏方。

又主血淋。滿痛。內熱心煩。其藤汁。又治風癰疥瘡。并癰

瘍惡風。血毒等證。其實中子。晒搗絞汁。作腐。和糖醋調

和。夏月食之。涼滑可口。辟暑解熱。此蓋稟天地陰寒之

氣而生。涼之甚也。如胃虛脾弱。并陰藏無陽之人。不宜

食之

○集方治

陳自明方一切癰疽初起。不問發于何處。用木蓮蓬四十

箇。搗去毛。搗爛。用生酒和絞汁服。功與忍冬藤同。○治

乳汁不通。用木蓮蓬七箇。猪前蹄一隻。同煮食之。并飲

汁盡。一日即通。無子婦人食之。亦有乳也。○治痰血內

滯。兼有風氣。腰膝脚踝無力。用木蓮蓬十箇。搗爛晒乾。

川草薢。枸杞子。各四兩。浸酒飲。○治男婦血淋澀痛。用

木蓮蓬十二箇。車前葉生。地黃各等分。俱搗爛取汁。和

生酒少許飲之。○治一切風癰疥瘡久不愈。用木蓮蓬

藤。搗汁飲。并將擦患處。○治癰瘍惡風血毒。用木蓮

蓬藤。零採。零搗汁。逐日飲。○治久年酒痢。腸風下血。或

因飲食熱物積毒大腸或肛出不收紅紫黑血用木蓮蓬取汁待凝成膏和米醋食之